



सानसेयारि "बड'सा" खीरालाइयाव अमान्यारि जिउजो लोब्बा थानाय रायथाय, अन्थाय, अल', अल'बाथा आरु दावबायारि थावनि, पार्क बाइदिनि सायाव लिखनाय लिखिदां दैथाय हर/ सानसेयारि "बड'सा" खीरालाइया खेबखानावै फोस्त्रावगोनै

बड'सायाव लिखनायनि हुइ खालाम, "बड'सा" खी नोथो, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Saturday ★ 25 January, 2025 Kokrajhar, BTC, Assam ★ Vol.-33, Issue No.296 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

अपिएसखौ फिन लाफिन्नायनि दाबिआव एनपिएस आफादआ 1 फेब्रुवारिआव 'गोसोम सान' फालिगोन

बासुगाव, 24 जानुवारि: सरकारि एनपिएस मावसुमा आफादिनि खावलायनायाव फेगौ 1 फेब्रुवारिखालि गोजाम पेन्सन खान्थिखौ फिन बोखांफिन्नायनि दाबियाव राइज्योनि फोरिंगिरि-मावसुमा आरु लेबारफोर 'गोसोम सान' फालिनो थांखि आजावदों। दुलाराय आसाम सरकारि एनपिएस मावसुमा आफादा (□ 6 बिलाइआव)

जापाननि गोजौ थाखोनि मुलुगसोलोंसालिनि थान्दैफोरजों गिबि मन्थि ड० हिमन्त बिश्व शर्माआ सावरायलायदों

जापाननि पार्लियामेन्टारि लेडाइ मन्थिजोंबो आसामनि सेंग्रा-सिख्लाफोरनि रेंगोथिखौ जौगाखां होनो गिबि मन्थिआ जथुम खुंदों

दिसपुर, 24 जानुवारि: सानथामनि जापान दावबायनाय फारिलाइनि जोबथा सानखालि आसामनि गिबि मन्थि ड० हिमन्त बिश्व शर्माआ दिने जुथाय डिग्री कर्स, फरायसाफोरनि सोलोंथायारि सोलायथाय हाबाफारि एबा बिजिरसनया आरु रेंगोथिनि बिथिडव हेफाजाव होनायनि (□ 6 बिलाइआव)



एमएलए लरेन्स इस्लारिआ सानसेआवनो गं 8 मडेल अंगनवादि मिरु लुफुनायनि अन्थाइ खाम्फा गायसन्दों

कक्राझार, 24 जानुवारि: सान्जा कक्राझार बिधान सभा बियाबनि एमएलए लरेन्स इस्लारिआ गावनि बियाबनि सिडाव थानाय गुबुन गुबुन ओन्सोलफोराव गासै बिथिडावनो जौगालु आरु राइजो-राजाफोरनि मुलाम्फा गोनां खामानिफोरखौ थाद'नाय गैदै मावबोगासिनो थादों। राइज्यो सरकारनि मोनफ्रेमबो बिथांखिफोरखौ गावनि बियाबनि सिडाव थानाय राइजो-राजाफोरनि मुलाम्फानि



थाखाय गेबेडै मावफुगासिनो थानायखौ नुनो मोनबोदों। बेबायदिनो सान्जा कक्राझार बिधान सभा बियाबनि सिडाव थानाय गुदि फरायसालिफोराव अंगनवादि मिरुनि गोनांथिखौ नोजोर लाखिनानै एमएलए लरेन्स इस्लारिआ राइज्यो सरकारनिफराय गिबि खोलोब हिसाबै गं 20 अंगनवादि मिरुखौ बिख'नानै लाबोदों। (□ 6 बिलाइआव)

म.सि.एल.ए. मन्तु बर'आ बेंगुरा सुबुंफोरनो ब्लेंकेट, तातसाल आरु जि सुथेग्रा आगजु रान्नानै होदों



सिमला, 24 जानुवारि: बाक्सा जिल्लानि 22 नं कक्लाबारि बि टि सि बियाबनि एम सि एल ए मन्तु बर'नि बाख्नायथाव सुबुं

सिबिथाय खामानि। बेंगुरा सुबुंफोरनो ब्लेंकेट, तातसाल आरु जि सुथेग्रा आगजु रान्नानै होदों एम सि एल ए मन्तु

गागि खौरंगिरि, लिरगिरि भुपेन गरवामीआ हार्ट एटेकजों मोगा-मोगि जादों

गुवाहाटी फाहामथाय फरायसालिमानि बिखानि बेराम बिफानाव थिसनबाय



गुवाहाटी, 24 जानुवारि: गोबाव साननाडै लाश्रियै फाहामथाय लाबाय थानाय गागि खौरंगिरि, लिरगिरि, नेसनेल इन्डियन अब जार्नेलिस्ट इन्डिया (एनइउजेआइ) नि माहारियारि लेडाइ आफादगिरि आरु जार्नेलिस्ट एससिएसन अब आसाम (जा) नि गाहाइ बोसोनगिरि, माहारियारि हिन्दी सानसेयारि खौरंगि बिलाइनि 'राष्ट्रीय खबर' नि सा-सान्जानि प्रिन्सिपाल करेसपन्डेन्ट भुपेन गरवामीआ हरखाबै हार्ट एटेकजों मोगा-मोगि जानानै गोब्राब देहा थासारियाव दिने बिथांखौ (□ 6 बिलाइआव)

कक्राझारआव माहारियारि हिन्जावसा गथ'सा सान फालिदों

कक्राझार, 24 जानुवारि: कक्राझार जिल्लानि सिडाव थानाय गसायनिनिनिनेहरु भकेसनेल गोजौ फरायसालिनि गेलेग्रा फोथाराव दिने माहारियारि हिन्जावसा गथ'सा सान 2025 खौ फालिनाय जादों। बे हिन्जावसा गथ'सा सानखौ

संकल्प: हाब फर इम्पावारेन्ट अफ अमेन, डब्लिउसिडि, दतमा आइसिडिएस प्रजेक्ट, कक्राझारनि बान्जायनायाव सोलोंथाइ बिफान, देहा बिफान आरु जिल्ला आइन सिबिथाइ खुंथाइजों लोगो (□ 6 बिलाइआव)



दुलाराय बर' फरायसा आफादिनि 57थि बोसोरसालिया जथुम्माया 13, 14, 15 आरु 16 मार्चआव खुंजागोन

बोसोर सालिया जथुम्मानि दिन्थिफुंसालियाव बाहागो लानो हांखायदों बान्जाय आफादआ



कक्राझार, 24 जानुवारि: मिरु दुलाराय बर' फरायसा आफादआ आफादिनि 57 बोसोर सालिया जथुम्माखौ कक्राझार जिल्लानि सिडाव थानाय दतमाआव खुंफुनो थाखाय जायगाखौ गोबाव समनिफराय थि खालामदोंब्लाबो नाथाय जथुम्मा खुंगोन अक्टखौ थि खालामनो हायाखैमोन। नाथाय माखासे सानफोर सम नेबोनायनि उनाव बे समाव दुलाराय बर' फरायसा आफादआ बोसोर सालिया जथुम्मा खुंनायनि अक्टखौ थि खालामबाय। (□ 6 बिलाइआव)

कक्राझारनि बिसमुरि धनपुरआव बिर बुधु भगतनि 233थि जोनोम सान फालिनो साखा-फारा

खुंफुं आफादिनि मावखुलि बेखेवबाय

कक्राझार, 24 जानुवारि: हादत उदांखिनि दावहारु आरु हादतनि थाखायनो गावनि जिउखौ खोमानानाय बिर बुधु भगतनि 233थि जोनोम सानखौ मेहेर गोनाडै फालिनो थाखाय साखा-फारा जादों। कक्राझार जिल्लानि सिडाव थानाय बिसमुरिनि साखाथि धनपुर गामिनि फोथाराव फेगौ 16 आरु 17 फेब्रुवारि, 2025 अक्टखालि साननैनि मेहेर गोनां हाबाफारिनि गेजेरजों मुंख्चं बिर



बुधु भगतनि जोनोम सानखौ बान्जाय आफाद दानानै फालिनाय जागोन। बेनि लोबबायैनो मोनसे गोहो गोरा (□ 6 बिलाइआव)

उदालगुरियाव नेहरु लाइमोन मिरुनि हाबाफारियाव बिटिसिनि बारग' बुंथिगिरि त्रिदीप दैमारीआ बाहागो लाफैदों



उदालगुरि, 24 जानुवारि: बृहस्पतिबारखालि नेताजी भारत सरकारनि लाइमोन परिक्रमा आरु गेलेमु बिफाननि सिडाव नेहरु युव केन्द्र (लाइमोन मिरु) उदालगुरिनि बर्नगावआव लिटल वाल्ड इंगजी फरायसालिनि हेफाजाव

बेकियाजुलि, 24 जानुवारि: थांनाय 9, 10 आरु 11 जानुवारि खालारखालि सानथामनि हाबाफारिजों खुंजानाय सनितपुर जिल्ला दुलाराय बर' फरायसा आफादिनि खुंजा 52थि बोसोरारि जथुमानि गेजेरजों जिल्लानि गोजाम आफादखौ सिफायनानै गोदान आफाद दानाय जादोंमोन। सनितपुर जिल्ला एबसुनि गोदान आफादगिरि महरै एनस मोसाहारि आरु गाहाइ नेहाथारि महरै हरिसरन बसुमतारि (□ 6 बिलाइआव)

सनितपुर जिल्ला एबसुनि 2025-26 बोसोरनि गोदान बिबानगिरिफोरा समायखिरा लाबाय



राइमना माहारियारि पार्कनि साखाथि गामिफोराव जिब-जुनात थिका थुनाय हाबाफारि बान्जायदों



कक्राझार, 24 जानुवारि: कक्राझार जिल्लानि सिडाव थानाय राइमना माहारियारि पार्कनि खाथि-खाला गामिफोराव दिनेनिफराय जिब-जुनात थिका थुनाय हाबाफारियाव जागायबाय। दिनेनिफराय जागायनाय बे जिब-जुनात थिका थुनाय हाबाफारियाव गसाइगाव स्टेट बेटेनारि डिस्पेन्सरिनिफराय डा: पंकज चक्रभर्ति, डा: सुभम दास, दिब्याज्योती दास, हेरेमदाव बसुमतारि, वाइल्ड लाइफ ट्रस्ट अफ इन्डियानिफराय डा: दावहारु (□ 6 बिलाइआव)

सुजुगिरिनि खोलोम राहा-लामा


सोलिफु समआ साफ्रोमबो सुबुंफोरनि थाखाय नाजानाय, सोलोनय आरो थासारिजो गोरोबनानै सोलायनाय लाबोनानै थानानै थानायनि लामा दिहुन्नायनि सम। थानानै थानो थाखाय साफ्रोमनोबो मोनफा नड मोनफा लामा दिहुन्नायनि राहा लानायनि गोनांथि जायो। बेयो रजखान्थियानो जाथो, आबाद मावनायानो जाथो एबा सोलोनय, फालांगियानो जाथो। आबादनि फार्से नायोब्ला सिगांफोर समनि आबाद मावनाय आरो सोलिफु समनि आबाद मावनायजो गोरोबनायखौ नुनो मोन्याय जाया। सिगांनि आबाद मावनाय आदोबजो सोलिनो हाये जानानै फेनायाव आथिखाल गोदान गोदान आबाद मावनाय सोलोनय आरो आबादयाव सोलायनाय लाबोनाया मुलाम्फाजो लोमोसे आबाद बिथिखौ गुस्त्याय होनाय नुनो मोन्याय जादो। सिगां समाव सोदांनय गैये जोलै बेगर बाहायनाय, हाफोर हासार गैये जालानायनि जाहोनाव आबाद मावनायाव लुबैनाय बादि फिथाय मोनो हायामोन। मोसो-मैसोजो दान मोनसे-मोनैसिम माय आबाद मावनायै सोलिनांगो जायोमोन। बे रोखोमैनो फिथाय-सामथायनि बेलायावबो सिगां समाव बारि-बागानफोराव रज-नाय, गायनाय थाइजो-खान्थाय, नरो-बैग्रिफोरनि अनगायै गुबुन जाथोनि फिथाय मोनो गोब्राबमोन। बेखायनो गरसे-गरसे आर्जिनयनि बाश्राखौ सानहरनो हायामोन। गुबुनिक्राय लाबोनाय फिथायफोरनि बेसेनाबो गोबांथार जानायलाय मोनो गोब्राब जायोमोन। आथिखाल बै समआ गैलिया।

समजो गोरोबनानै आगान सुरलानो गोनां जानानै फेनायाव सुबुंफोर सोलोनानै सोलायनाय लाबोनाय नाजाबाय। ओन्सोलाव मोनो थाडै गोदान गोदान जाथोनि गोथाव गोथाव फिथाय-सामथाय गायनायै गावनि मुलाम्फा आर्जिनयजो लोमोसे गुबुनखोबो सोलोनानै फिथाय-सामथायनि आबाद मोवनो थुलुंगा होनो हानाय जाबाय। गुबुनिक्राय सोलोनानै जॉनि ओन्सोलावबो सिगां समफोराव मोनो थाडै बाइदि रोखोमनि फिथाय-स्ट्र बेरि, ड्रगन फिथाय, तस्मुज, बैग्रि बिलाति बादि देहनि थाखाय मुलाम्फा गोनां गुबुन गुबुन फिथायनि बागान खालामनानै ओन्सोलावनो मोनजानाय खालामनो हानायजो लोमोसे मुलाम्फा आर्जिनो आरो गुबुनखोबो बागाननि खामानियाव थिसनो राहा फेनायखौ नुनो मोन्याय जाबाय। बेयो बयनिबो थाखाय थुलुंगा गोनां हाबा, थानानै थानायनिबो राहा-लामा दिहुनो हानाय जाबाय।

गुबुन गुबुन फिथायनि आबाद बाइदिनो थियोब्रोमा ककोआ फिथायनि आबादयावो मोनसे। आथिखाल जॉनि हालामावबो बे आबादखौ साफा-सानै सुबुंफोर मावनायै मुलाम्फा मोनो हानायखौ मिबथि मोन्याय जादो। गोलेयैनो मावनो हानाय थियोब्रोमा ककोआ बिफानि फिथायनिक्रायनो चकलेट दिहुन्नाय जायो। मिबथिनाय बादिदै जॉनि आबहावाया थियोब्रोमा ककोआ आबादनि थाखाय गोरोबनाय आरो बे आबादनि थाखाय गयबारियानो साबजाथाव। गयबारियाव गायोब्ला बेनि थाखाय आलादायै साइख्तुम होनांगौनि गोनांथि जाया। चकलेटआ बिखा गोगो लाखिनाय आरो गात्रि मुडखौ मोजाडव लाबोनायाव मदत होयो। मिबथि मोन्याय बादिदै चकलेट बिफां थियोब्रोमा ककोआ ट्रीखौ 2000 बोसोर सिगां खोला आमेरिकानि रन फरेस्टआव संनानै दिहुन्दोमोन। इउरपआव 1550 निक्रायनो चकलेट बाहायनाया जागायदोमोन होनानै बुनाय जायो। चकलेटखौ खुसि-रंजाथाय आरो फालिथायनि नेसॉनि होनानै सान्नाय जायो, बेखायनो जोमोन सानफोराव चकलेट बाहायनायखौ नुनो मोनो। चकलेट बिफां एबा थियोब्रोमा ककोआनि आबादखौ सरसन्सायै मेक्सिक, सेन्ट्रल आमेरिका आरो खोला आमेरिकानि साहा बाहागोयाव गोबांथारै आबाद मावनाय जायो। चकलेट फिथाया बेसेन गोसाब्लाबो आबाद मावनो आरो दिखानो गुबुननि रुजुनायाव गोलेसिन होनानै मिबथिनाय जायो। मुलाम्फा गोनां आरो बेसेन गोसा बे फिथायनि आबादखौबो सोलोनय आरो थानानै थानायनि लामाखौ सोलायनाय लाबोनायनि थॉरिखयै गोलेसोनानै थानाय जायगाफोराव मावनो गोनांथि होनांगो, जाहाथे बे आबादखौ मावनानै गुबुन आबादफोर बादिनो आर्जिनयनि लामा दिहुन्नायाव मदत मोनो हायो।

गोजां बोथोरनि गेजेरावबो गरमआ आलादा रेकड सोरजिदो


गोदान दिल्ली, 24 जानुवारी: देलाय गोजां बोथोरनि समावबो बिदुआ आलादा रेकड सोरजिदो। थानाय माखासे सानफोरनिक्राय दुनाय सान्दुनि जाहोनाव दिल्ली आरो एनसिआरनि सुबुंफोरा गरम मोन्दांथिदो। थानाय बुधबारखालि एसे अखा हानायनि उनाव बृहस्पतिवारखालि फिन सान्दु दुडे, जायजो बिदुडव जेबो मख 'जाथाव सोलायनाय फे याखै। नाथाय बेयो सरसन्सानिक्राय बांसिन थिसनजादो। पान्जाब, हारियाणा आरो उत्तर प्रदेशआवबो सान आरो हर मोननैबो समाव गेसें खुवा खुनाय नुनो मोन्दो। बेराफार्से हाजोयारि रइज्योफोर



जैरे-जम्मु-काश्मीर, हिमाचल प्रदेश आरो उत्तराखण्डनि माखासे ओन्सोलफोराव बोथोरआ गाहामैनो दड। हिमाचलआव बे खेबआव खम अखा हानाय आरो बरफ गोग्लैनायनि

सरसन्सा अखा हागोन होनानै बोथोर बिफानआ हमदांदो। जम्मु-काश्मीर, लाडाख, गिलगित-बाल्टिस्तान, मुजफ्फराबाद आरो हिमाचल प्रदेशनि गुबुन गुबुन ओन्सोलफोराव खुवा आरो निहिर गोग्लैनायनि आसा दड। उत्तराखण्डनि हायेन जिल्लाफोराव बिदुड 4-6 डिग्री सेल्सियाससिम बांदो। बेराफार्से काश्मीरआव बयनिखुइबो गुसुसिन होनानै बुंजानाय 40 साननि गुसुआ 31 जानुवारीआव जोबतागोन, जेराव एसेबां सुहाबनाय गुसु मोन्दांथियाखै। मानोना बोथोर बिफानआ सोलिफु बोसोराव अखा हाथावना एबा बरफ दामोल गोग्लैनायनि जेबो सन्देह फोसावाखै। मख 'जाथावदि, जोबोद सुहाबनाय गुसु जायाखैब्लाबो राजथावनि दिल्लीआव गुसु बोथोरआ देग्लाय दासिमनि एभारेज मिनिमाम बिदुड 9 डिग्री सेल्सियाससिम सौहैदो, जाय सरसन्सानिक्राय 2 डिग्री बांसिन। बेयो 2015-16 नि उनाव बयनिखुइबो बांसिन होना थिसनजादो। थानाय 19 जानुवारीआव बोथोरआ हरखाब सोलायनानै मेक्सिमाम बिदुड सानसेयावनो 5.5 डिग्री बारयनानै 25 डिग्री सेल्सियाससिम बांसिन जायो। बेनि उनिक्रायनो बिदुड गोजो थाखोआवनो थायो, जायजो सुबुंफोर गोजां बोथोर थाबैनो जोबसिगोन होनानै सान्नाय फेदो।

उत्तराखण्डआव 3.5 रिक्टर स्केलनि बांग्रि मावदो, सुबुंफोरा गिनानै बाजियोव ओंखारबोदो



गोदान दिल्ली, 24 जानुवारी: भारतनि उत्तराखण्डआव बांग्रि मावनाया सुबुंफोरखौ गिखांनय लाबोदो। दिनें शुक्रवार फुडव मावनाय बे बांग्रिआ उत्तराखण्डनि हाजोयारि ओन्सोलाव सुबुंफोरखौ बांसिनै सोमखि होनो। मानोना बे बांग्रिनि मिरुआ उत्तरकाशिनिक्राय सोमजिखांदो। बांग्रि मावनायखौ मोन्दांनयनि उनाव सुबुंफोरा गिखांनानै गावसोरनि न'निक्राय

अन्थायफोरा बे समाव दुदुख्लायदोमोन। जाउनाव सुबुंफोर गिखांनानै न'सिनिक्राय बाइजोयाव ओंखारबोदोमोन। बबेखानि बे बांग्रिनिक्राय मोनबो खहा जानाय खौरां मोन्याय जायाखै। उत्तरकाशिआव बांग्रि मावनायनि उनाव जिल्लानि डिएम ड० महरबान सिंहआ मावख 'गिरिफोरजो लोमोसे ओन्सोलनि सोमोन्दै खौरां लादो। बे बांग्रिआ सुबुंफोरनि गोसोआव 1991 आव जालानाय बांग्रिनि जाथायखौ गोसोआव लाबोफिन्दो। मानोना बे बोसोरव उत्तरकाशिआव 6.6 मेगिनटिउड गोहोनि बांग्रि मावदोमोन। बे बांग्रिआ उत्तरकाशिनि गोबांथार ओन्सोलावनो खहा खालामलांदोमोन।

अरुणाचलआव मस्ला आबादखौ जौगाखानो सरकारआ रड मेप थियारि खालामदो



इटानगर, 24 जानुवारी: राइज्योनि फालांगि आरो उद्यम मन्थि न्यातो दुकमआ बुंदोदि, जुदि नाजाथाबनायजो लोमोसे दावगालाडोब्ला अरुणाचल प्रदेशआव मस्लानि आबादखौ बांहोनो आरो अरायथा मोनसे रां आरजिनयनि मोनसे राहा खालामनानै लानो हायो। मन्थि बिथाड कन्धेन्सन हलआव मस्ला बायनाय-फान्नायनि मोनसे जथुमखौ बेखेवनानै

खालायो आरो बेजो लोमोसे सरकारि साब्सिडि होनायजो लोमोसे मस्ला आबाद मावनायनि सायाव फोरोंथाय होनाय आरो बेखौ फान्नाय आरो बायनायनि राहा खालामनो थाखाय सरकारनि स्पाइस बर्डआ थोजासे मदत होगोन होनानै बुंथियो। बिथाड बुंवावदोदि, आथिखालाव सरकारआ मस्ला आबादनि थाखाय माखासे गाइडेन्स होनाय आरो भेलु एडिसन टेक्निकफोरखौ नोजोर होनानै बेनि मार्केट कानैक्टिबिथिखौ गोखौ खालामनो सरकारआ नाजागासिनो दड होनानै बुंथिबावो। बेराफार्सेथि स्पाइस बर्डनि रिजिननेल डिपुटि डिरेक्टर डिएम बर्मनआ बुंदोदि, स्पाइस एबा मस्ला आबादआ अरुणाचल प्रदेशआ मख 'जाथाव बिहोमा होबोगासिनो दड। बिथाड बुंवावोदि, सिक्किमनि उनाव अरुणाचल प्रदेशआ भारतआवनो नैथि देरसिन मस्लानि कम्पनी थानाय मोनसे राइज्यो कानो हादो। बिथाड अरुणाचल प्रदेश आरो सा-सान्जा ओन्सोलनि मुलाम्फायारिफोरखौ हेफाजाब होनो थाखाय मिरु आरो स्पाइस मोनसे रड मेप थियारि खालामदो होनानै फोरमायथियो। स्पाइस बर्डआ खुनाय हाबाफारियाव राइज्योनि गासै 80 निबो बांसिन मस्ला आबादारि आरो हादतनि गुबुन राइज्योनिक्राय मोन 10 कम्पनीफोरा बाहागो लादोमोन।

दिनैनि फान्जामुथि

राशि बाइदियै मुनि गिबि हांखो
 मेघ : अ ल बुध : ऊ ब (उ ए इ) मिथुन : क छ (ड घ)
 कर्कट : ड ह सिंह : म ट कन्या : प ट (ण ष)
 तुला : त र वृश्चिक : ब न धनु : ध भ (ड फ)
 मकर : ख ज कुम्भ : ग श (स) मीन : द च (ख ज झ)

- मेघ:** जेखि जाया समावनो हेंथा एबा अजद मोनो हागो। सान्नाया जाफुनाय नड। गोसोखौ हमथा।
- बुध:** सोलोनथायाव मोजां मुं मोनो हागोन। मुलाम्फा जागोन। मोजां सान।
- मिथुन:** मोजां मोनलायग्राफोरनि थाखाय मोजां सम। अनलायनायखौ मोनो हागोन। गोजोन मोनगोन।
- कर्कट:** बबेबा खामानि मावनायाव हेंथा होजानो हागो। सान्नाया जाफुनाय नड। गोसो हमथानांगोन।
- सिंह:** जेबो जेना-जेसि गैये शान्तिथे थानो हागोन। फारफोमथिबो मोजां गोसोनो सम बारहोनो हागोन।
- कन्या:** गावनि रंखावरिफोरखौ लानानै गोरा जानो हागोन। जैरेबो जौगानायखौ मोनो हागोन।
- तुला:** जैरेबो गोसो-खुसियै रंजा-बाजा खालामनो हागोन। मोजां सम।
- वृश्चिक:** मोजां रंग'थि जानो हानायनि थाखाय मान मोनगोन। गोजोन मोनगोन।
- धनु:** बबेबा गोजान जायगायाव दावबाय हैनो मोनो हागो। गोजोन्यायखौ मोनगोन। मोजां सान।
- मकर:** नख'र संसार जानायाव दावराव-दावसि सोमजिनो हागो। गोसो हमथानानै थानांगोन।
- कुम्भ:** माबा मोनसे मुवा-बेसाद खहा जानो हागो। गोसोखौ शान्ति मोन्याय नड।
- मीन:** माखौबा लानानै गोसोखौ शान्ति गैये मोनो हागो। गोसो हमथानानै थानांगोन।

वाशिंगटन, 24 जानुवारी : हादतगिरि डनाल्ड ट्राम्पआ बिबान आजावनाय लोमो लोमो हादतआव गोबां सोलायनायनि दोहौ नुजाथिदो। बिथांआ मोनसेनि उनाव गोदान मोनसे बिथोनफोरखौ फोसावदो। लोमोसेनो गोबां आयदाफोरखौबो गोखौ नोजोर होदो। जायजो आमेरिकायाव थायाय गुबुन हादतनि सुबुं आरो फरायसाफोर गिखांदो। माखासे भारतयारि फरायसाफोरा पार्ट टाइम खामानि मावनायखौबो बन्द' खालामबाय, जायजो बिसोरो गावसोरनि फिसा-फिसौ खरसाखौ दिहुन्नायै लायोमोन। बिसोर बायदि फरायसाया फे गो समाव



रंखान्थि जेनायाव गोलैनांनो हागो आरो रां दाहारनि जेनायावबो गोग्लैनो हागो। मख 'जाथावदि, आमेरिकायाव सोलिनो थाखाय बेफोर बायदि पार्ट टाइम जब मावनो गोनां जायो। फरायसाफोर गावसोरनि इयुनखौ खैफोदआव खोखैनायनिक्राय जानगाराव थानो थाखाय बेफोर बायदि खामानिखौ नागरनो गोनां जादो। मानोना बिसोरो गिखांनय मोन्दोदि, थि रोखोमनि आयेनारि फोरमान

एफ 1 भिजानि गेजेरजो आमेरिकायाव फरायसाफोर गुबुन हादतनि फरायसाफोरा मोनफ्रोम सप्ताहआव 20 घन्टासिम आमेरिकायाव पार्ट टाइम खामानि मावनायनि गनायथि मोनो। माखासे फरायसाफोरा गावनि खरसाखौ दिहुनो थाखाय रेस्टुरेन्ट, गेस स्टेशन एबा रिटेल स्टर्सफोराव फोरमान बिलाइ गैया जासेनो खामानि मावो। नाथाय गोदान हादतगिरिया गोखौ खान्थि फोसावनायखौ नोजोर होनानै बिसोरो खामानि मावनो नागरदो।

सिक्किमनि थागिबि ड० हरि भट्ट शर्माआ टप 2 जौखोन्दो बिगियानगिरिफोरनि फारिलाइआव जायगा मोन्दो



गेंटक, 24 जानुवारी : सा सिक्किमनि थागिबि ड० हरि भट्ट शर्मा (लुडेल) खौ 2024 माइथायनि थाखाय स्टेन्टफर्ड इडनिभासिटिनि मुंदांखा मुलुगनि जौसिन 2 जौखोन्दो

गोजेजो हाबा मावनायनि थाखाय बे बिमुंखौ मोनो हादो। बे बिमुंनि फारिलाइखौ मुलुगनाडैनि गोजौ थाखोनि बिगियानगिरिफोरखौ सिनायथिनानै आरो सायख'नानै खालामनाय जायो, जेराव गुबुन गुबुन आयदाफोरव 2 जौखोन्दो संदानगिरिफोरनि दैदेनायाव सायख'नाय जायो। एल्सेबियारनि स्कपास डायबेचिनिक्राय मोनो हानाय डायजो लोमोसे एडच-इन्डेक्स आरो गुबुन इन्डेक्सफोरनि गेजेरजो नायबिजिनानै बिथांमोनखौ गोब्राबै सायख'नाय जायो। ड० शर्माआ आइआइटि करकपुरनिक्राय सिभिल इन्जिनियारिनि डिग्री लादो आरो पि. एचडिबो खालामदो। साकुलारइक'नमिआव पि. एचडि डिग्री लानायनि उनाव बिथाड मोन 25 नि बांसिन एस सिआइ-स्टाडि खालामनाय फोरमानलाइ, माखासे बिजाब संदाननाय आरो इन्टरनेशनल मेगाजिनफोरव सुजुगिरि महैबो खामानि मावदो।

AFFADAVIT

That, my actual / correct name and surname is **NISTER BASUMATARY**, which is recorded in her Aadhaar Card, Vide Card No.- **9471 8595 4323**, PAN Card, Vide Card No.- **BFYPB0894P** and other relevant documents.

That, following are my plots of land whose details has been given below:-

SL.No	Dag No.	Patta No.	Land Measurement
1	322	65	12B-03K-18Ls
2	422	62	15B-03K-18Ls
3	480/325	18	03B-01K-05Ls
4	362	65	03B-01K-11Ls

That, the aforesaid plots of land are situated at Village-Simbargaon under Kokrajhar Revenue Circle, Dist. Kokrajhar, BTR, Assam.

That, in the aforesaid total plots of land, wherein my name and surname has been recorded as **ANKADHAR BASUMATARY** instead of **NISTER BASUMATARY**. That, I do hereby declare that NISTER BASUMATARY and ANKADHAR BASUMATARY is the same and one identical person, who is none other but myself.

Name- Nister Basumatary
 S/O. Late Nakul Chandra Basumatary
 Village: Gwjwnpuri

76थि सुबुंखान्थि साननि गाहाइ आलासि हादतगिरि सुबियान्तआ भारतआव सौफैबाय

गोदान दिल्ली, 24 जानुवारी: इन्डनेशियानि हादतगिरि प्रबभ सुबियान्तआ गिबि खेब भारतआव दावबायफेदों। बिथाडा बृहस्पतिबार मोनायाव भारतसिम सौफैयो, जेराव गुबन हादतयारि राइज्यो मन्थि पबित्र मार्घेरिताआ बिथांखौ उरां गाथोनाव बरायो। मख 'जाथावदि, हादतगिरि सुबियान्तआ भारतनि 76थि सुबुंखान्थि सान फोर्बों 26 जानुवारीनि हाबाफारियाव गाहाइ आलासि महरै बाहागो लागोन। गुबुन हादतआरि मावख 'नि बुंथिगिरि रणधोर जायसवालआ एक्सआव इन्डनेशियानि हादतगिरि प्रबभ सुबियान्तआ गिबि खेब भारतआव दावबायनायखौ गोर्बोंजों बरायबाय होन्ना बुंदों। बिथाडा बुंबावो, बिथांनि दावबायनाया भारत-इन्डनेशियानि गुवार-सोलोखान्थि शेयारिखौ आरोबाव गोर्बोंसिन खालामगोन। सुबियान्तआ भारतआव थानाय समाव माखासे रदायफोरव मुंसाय




होने हागौ होन्ना मिजिं खालामनाय जादों। फारसेथि बिथाडा भारतनि सुबुंखान्थि सानआव बाहागो लाफैनाय इन्डनेशियानि 4थि हादतगिरि जागोन। गिबियावबो इन्डनेशियानि गिबि हादतगिरि सुकर्णआ 1950 माइथायाव भारतनि गिबिसिन सुबुंखान्थि साननि हाबाफारियाव गाहाइ

आलासि महरै बाहागो लाफैदोंमोन। इन्डनेशियानि सा 352 सोद्रोमानि माधि आरो बेन्ड हान्जायावो कर्तब्य रडआव सुबुंखान्थि साननि परेडआव बाहागो लागोन। मख 'जाथावदि, इन्डनेशियानि माधि आरो बेन्ड दोलोआ बबेबा गुबुन हादतनि माहारियारि सान परेडआव गिबि

खेब बाहागो लागोन। थानाय माखासे बोसोरफोरनिफ्राय भारत-इन्डनेशियानि सोमोन्दोआ साबसांसिन्दों। गाहाइ मन्थि मदिआ 2018 आव इन्डनेशियाआव दावबायहैदोंमोन। □

म्यानमार आरो उत्तरकाशिआव लान्थियै खेब 3 बांग्रि मावदों



गुवाहाटी, 24 जानुवारी : भारतनि न'सुंसे हादत म्यानमारआव बृहस्पतिबार-शुक्रबारनि फुंभिलियाव बांग्रि मावदों। बे बांग्रिया सुबुंफोरखौ गिखांहोंदों। नेशनेल सेन्टर फर सिस्मलजिनि बायदिब्ला बृहस्पतिबार हर गेजेरव मावनाय बे बांग्रिया 4.8 रिक्टर स्केलनिमोन। बेयो हरनि 12-53 रिगायाव मावदोंमोन। बे बांग्रिनि मिरुआ 106 कि:मि: हा सिंआवमोन होन्ना जर'खागिरिफोर मिबथिहोंदों। बे बांग्रिनि गोहोमा आसामजों

नाथाय बेयावबो ख'हा जानायनि जेबो खौरं मोन्नाय जायाखै। अब्लाबो खैफोद सामलायग्रा बिफानआ एलार्ड फोसावदों। उत्तरकाशिनि जन IV आरो V आव बांग्रिखौ मोन्दांथिदों, जायखौ बांग्रि मावफलेग्रा जायगा होन्ना गनायथिनाय जायो। नेशनेल सेन्टर फर सिस्मलजिनि बायदिब्ला, उत्तरकाशिआव बांग्रिया 40 मिनिटनि गेजेरवबो खेबथाम मावो। गिबियावो फुंनि 7:42 रिगायाव बांग्रि मावो। बेनि गोर्बोंथिखौ 2.7 रिक्टर स्केलनि मोनो। बेनिफ्राय 8.19 रिगायावबो खेबनै बांग्रि मावनायखौ मोन्दांथियो, जायनि गोर्बोंथिखौ 3.5 रिक्टर स्केलनि मोनो। बे बांग्रिनि मिरुआ उत्तरकाशिनि भटवाडी प्रखन्डआवमोन आरो बेयो हा सिं 5 कि:मि: गोथौआवमोन। बेयावबो ख'हा जायाखै। □

चुराचान्दपुरआव 12 एकड़ हानि पप्पि आबादखौ सिलिंखार खालामदों



इम्फल, 24 जानुवारी: फेग्रा मुलिफोरनि बेरेखायै राइज्यो सरकारनि लानाय हाबाफारिनि गेजेरजों खोला म्यानमारनि सिमानजों नांजाबनाय मणिपुरनि चुराचान्दपुर जिल्लायाव मोनसे रिजार्भ फरेस्टनि सिडव गासै 12 एकड़ हायाव आइन् बेरेखायै पप्पि आबादखौ फोजोबसांदों। चुराचान्दपुर जिल्ला पुलिस,

चुराचान्दपुर जिल्लानि बिबानगिरिफोर आरो मिरुआरि हान्जाफोरा चुराचान्दपुर जिल्लानि संग्राइकट पुलिस स्टेसननि गेजेरजों डम्प रिजार्भ फरेस्टआव सिडेन चांपिकट ओन्सोलाव आइन् बेरेखायै पप्पि आबादखौ सिलिंखार खालामदों। मोनसे संग्रालि फुंखाफोर

कामारख्या स्टेसनआव पे एन्ड इज्ज टडलेटलि बाइजो मुलाफ्फानि थाखाय इ-निलाम

खामाख्या स्टेसनआव पे एन्ड इज्ज टडलेटलि थाखाय इ-निलाम हांखायदों। निलाम केदालग नं.: पि एन्ड इज्ज-केवाइ किउ-01-25। लट निलामआ जागायगोन (गासै लट) 04-02-2025 नि 11:00 रिगा। हे इड्रिन्ट: बोसोरगि लाहसेन्सि फिस: सान 1095।

फारि नं.	लट नं./केदगारि	सुद' फोरमायथि
ए/1	पि एन्ड इज्ज-एलाफमिजि-केवाइकिउ-टिअआइ-58-25-1 (पे एन्ड इज्ज-टडलेट)	खामाख्या स्टेसनआव पे एन्ड इज्ज टडलेटलि बाइजो मुलाफ्फानि

निलाम जाबनाय अक्ट:सम:04-02-2025 नि 11:30 रिगा। कुलिं अफ जागायनायनि सम: 30 मिनिट। जाफूसार लट जाबनायनि गेजेर सम 10 मिनिट। नायनो गोनां: बाहागो लागिरि/बादायगिरिफोरखौ रोखायै मिबथिनो थाखाय आइआरडिएसनि इ-निलाम फारिखान्थिखौ www.ireps.gov.in वेबसाइटआव नाय।

सेनियर डिप्टि, लामडि

सा-सान्जा सिमना रेलवे

मिन्सुनायजों ग्राहकफोरनि सिबिथाइ

रडिया डिभिजनआव पे एन्ड इज्ज टडलेटखौ सोलिहोनाय आरो सामलायनायनि थाखाय इ-निलाम

रडिया डिभिजनआव पे एन्ड इज्ज टडलेट सोलिहोनाय आरो सामलायनायनि थाखाय इ-निलाम हांखायदों। निलाम केदालग नं.: पि एन्ड इज्ज-आएनवाइ-2025 (पेट इड्रिन्ट: बोसोरगि लाहसेन्सि फिस: निलाम जागायगोन सम आरो अक्ट (गासै लट): 04-02-2025 नि 11:30 रिगा।

फारि नं.	लट नं./केदगारि	फोरमायथि
ए/1	पि एन्ड इज्ज-आएनवाइ-बिपिआरडि-टिअआइ-35-24-1 (पे एन्ड इज्ज-टडलेट)	बसेया रड स्टेसननि प्लेटफर्म 2 आव पे एन्ड इज्ज टडलेट थिकानि सोलिहोनाय आरो सामलायनायनि
ए/2	पि एन्ड इज्ज-आएनवाइ-एनएमएम-टिअआइ-7-22-2 (पे एन्ड इज्ज-टडलेट)	निड मिसामारि स्टेसननि पे एन्ड इज्ज टडलेटनि थाखाय लाहसेन्सि होनाय।
ए/3	पि एन्ड इज्ज-आएनवाइ-बिपिआरडि-टिअआइ-34-24-2 (पे एन्ड इज्ज-टडलेट)	गोरख स्टेसननि प्लेटफर्म 1 आव पे एन्ड इज्ज टडलेटनि थिकानि।
ए/4	पि एन्ड इज्ज-आएनवाइ-बिपिआरडि-टिअआइ-23-1 (पे एन्ड इज्ज-टडलेट)	बिजनी स्टेसननि प्लेटफर्म नं 1 आव पे एन्ड इज्ज टडलेटनि थिकानि।
ए/5	पि एन्ड इज्ज-आएनवाइ-आएनवाइ-डब्लिउआएल-32-24-1 (पे एन्ड इज्ज-लान्सा/वाइडि/रिडयारि/क्लक रम)	रडिया स्टेसननि प्लेटफर्म नं 1 आव क्लक रमखौ सोलिहोनाय आरो सामलायनायनि थाखाय थिकानि।
ए/6	पि एन्ड इज्ज-आएनवाइ-एनएमएमएम-डब्लिउआएल-31-24-1 (पे एन्ड इज्ज-लान्सा/वाइडि/रिडयारि/क्लक रम)	नाहलगाण (एनएसएलएलए) स्टेसनआव होवा आरो आइओफोरनि थाखाय गोदानआरि खाबुफोरखौ जैरै माल्टि पार्फस स्टल आरो टुरिस्ट बिगयनायनि थाखाय एसि वाइडि रमखौ सामलायनायनि आरो फोजो खानायनि थाखाय एसि वाइडि हल मेनेजमेन्ट थिकानि।
ए/7	पि एन्ड इज्ज-आएनवाइ-बिपिआरडि-डब्लिउआएल-14-22-1 (पे एन्ड इज्ज-लान्सा/वाइडि/रिडयारि/क्लक रम)	बसेया रड स्टेसननि प्लेटफर्म नं 1 आव एसि वाइडि रमनि सोलिहोनाय आरो सामलायनायनि

लट जाबनायनि सम आरो अक्ट: 04-02-2025 नि 13:00 रिगा। कुलिं अफ जागायनायनि सम 30 मिनिट। जाफूसार लट जाबनायनि गेजेर सम 10 मिनिट। नायनो गोनां: आइआरडिएसनि इ-निलाम फारिखान्थिखौ नयनो थाखाय बाहागो लागिरिफोरखौ www.ireps.gov.in वेबसाइटआव नायनि थाखाय खाबुबनाय थाखाय।

डिभिजनल रेलवे मेनेजर (सि), रडिया

सा-सान्जा सिमना रेलवे

मिन्सुनायजों ग्राहकफोरनि सिबिथाइ

पतंजलिआ मिज 'रामआव अथेल पाम मिल गायसनगोन



आइजल, 24 जानुवारी: एडिबल अथेल मेजर पतंजलि फुडस लिमिटेडआ मिज 'रामआव मोनसे अथेल पाम मिल गायसनगोन होन्ना सासे बिबानगिरिया मिबथि होदों। बिथाडा बुडेंदि, कम्पानीनि साने सेनियर बिबानगिरिफोर बेनि सोमोन्दै सावरायनो बृहस्पतिबारखालि आइजलआव गिबि मन्थि लालडुहमाजों लोमो

हमदों। मिलखौ खोला मिज 'रामनि लांत्लाइ जिल्लानि लियाफाआव गायसनाय जागोन आरो कम्पानीआ आसा खालामदोंदि, बे हाबाफारिया 1 बोसोरवोनो आबुं जागोन एबा जोबगोन। बिबानगिरिया गिबि मन्थिनो बेखौबो मिबथि होयोदि, सेरछिप, लंलेइ, लांत्लाइ आरो सियाहा मुनि

जिल्लाफोरव पाम अथेलखौ बायनाय जागोन। अदेबानि लालडुहमाआ बिथामोनजों खोला जिल्लाफोरव अथेल पामनि आबाद मावग्रा सुबुंफोरनि सिगाडव नुजानो गोनां जेनाफोर आरो राइज्योआव अथेल पामनि आबादखौ बांहोनो थाखाय बेनि फारसे सरकारनि सानायफोरखौ लानानै सावरायदों। कम्पानीनि बिबानगिरिफोर बुडेंदि, बिथाड

No. MCH/CN/Adv./2022/ 154-A

Walk in Interview

Eligible candidates are invited to attend a walk in interview for the following post on contractual basis at Cardiothoracic & Neurosciences Center, GMCH, Guwahati-32

SL No	Post Name	Essential Qualification and Experience	No of Post	Salary	Date of Interview
1	Staff Nurse	<ul style="list-style-type: none"> B.Sc. Nursing/GNM Course Passed Registered with Assam Nurses Midwives and Health Visitors Council Minimum 1 year experience 	10Nos	20,000.00	29/01/2025

Principal Cum Chief Superintendent, GMCH & Director, CN Center Gauhati Medical College & Hospital
Janasanyog/D/11911/24/25-Jan-25

Sd/- Superintendent GMCH & CN Center
Gauhati Medical College & Hospital, Guwahati-32

आसामआ 2030 माइथायसिमाव 143 बिलियन डलार जिएसडिपि दिहनायनि थांखि लादों: ड॰ हिमन्त बिश्व शर्मा

गुवाहाटी, 24 जानुवारी: आसामनि गिबि मन्थि ड॰ हिमन्त बिश्व शर्माआ 2030 माइथायसिम 143 आरब आमेरिकन डलारनि राइज्योआव ग्रस स्टेट डमेस्टिक प्रडाक्ट दिहनायखौ बांहोनो थाखाय राइज्योआव रड मेप बानायनो थाखाय साखा-फारा जादों होन्ना मख 'दों। मख 'नो गोनांदि, बावैसो सान 80 निखुइबो बांसिन फालांगि-दैदेनगिरिफोरनि मोनसे जथुमखौ बेखेवनानै गिबि मन्थि हिमन्त बिश्व शर्माआ आसामखौ जौगासांर खालामनायनि सायाव गोनांथि होनानै भारतआव गाहायै रांखान्थि बिथिडाव गोर्बों आसामआ 2024 आव 4 डलार बिलियन आमेरिकन डलारखौ प्राइभेट इन्भेस्टमेन्ट होनानै मुंदांखा जानो हादों, जाय राइज्योनि जारिमिनाव दासिमाव



बयनिखुइ बांसिन जादों। गिबि मन्थिआ गावनि रांखान्थियारि बिथिडाव जौगासांरनायनि अन्थाय खाम्फा गायसनाय महरै राइज्योनि 12 डलार बिलियनजों गुदि बिथा फोजोखानायाव रां थिसनाय बिथांखिखौ फोसावनायजों लोगोसे गुबुन गुबुन

बिफानआवबो जौगासांरनाय लाबोनो नाजादों। जैरै-ट्रेन्सपर्ट नेटवर्क, इन्डस्ट्रियेल करिडर, एनार्जि प्रजेक्ट आरो आर्बान इन्फ्रास्ट्रक्चरफोरखौ गोर्बों खालामनाय आरो मुलुगनि कम्पानीफोरखौ एबा इन्भेस्टफोरनि गोसोखौ बोनो हानाय बायदि खालामना होनाय। रांखान्थियारि जौगासांरनायि सायाव सरकारआ फालांगिनि फारसे नोजोरथिनानै फालांगिनि डिजाइनखौ थि खालामनाय गुबुन

गुबुन बिथिडावबो सोलायनाय लाबोनानै रांखान्थिनि बिथाखौ गोर्बों खालामनो नाजादों। राइज्योआव बेखौ बांहोनो थाखाय इन्डस्ट्रियेल बिथाखौ जौगासांरनाय, मिथिगायारि फुंखाखौ मोजाडे बाहायनानै आरो रेंगौथि गोनाडे खामानि मावनायनि गेजेरजों आसामखौ रांखान्थि बिथिडाव गोर्बों खालामनो आसाम सरकारआ रड मेप थियारि खालामदों होन्ना गिबि मन्थिआ बुंथिदों। □

बांलादेश नेसनेलिस्ट पार्टीआ महम्मद युनुशखौ मासि एंगारनो दाबि दैखांदों



गोदान दिल्ली, 24 जानुवारी: बांलादेशनि महम्मद युनुश सरकार सामलायनायनि उनाव बेनि थासारियाव जेबो फारागथि गैथैखौ नुनो मोन्दों। न'सुंसे हादतआव बाडइ सुबुं सानखोनि सायाव इनाइ-आनागारि जाथायफोर आथिखालाव बांनोनो हमदों। हिन्दुनि सायाव गारलोबनाय जाथायफोर सानफा-एफ्रयै सोराडव फेगासिनो दड। मख 'नो गोनांदि, महम्मद युनुशनि हेँथायै बांलादेश नेसनेलिस्ट पार्टीआ आफाद दादों। बे आफादनि गागि दैदेनगिरिया युनुशखौ मासिनिफ्राय बिबान एंगारनो दाबि दैखांदों। बिथाडा युनुशनि खामानि मावनायनि सायाव साँथि दैखांदों। युनुश सरकारआ गले-गले भारतजों सेलेन्ज खालामबाय थादों। बिएनपिनि गाहाइ दैदेनगिरि फाकरल इस्लामआ युनुश सरकारनि हेँथायै गोबां साँथि दैखांदों। बिथाडा बुंदेंदि, इन्टरिम सरकारआ रवनिबो मुलाफ्फानि थाखाय खामानि मावखै, जायनि थाखाय हादतआ मोजां लामाजों आगान होयाखै। फाकरलआ अजद दैखांदेंदि, माखासे आयदाफोरव युनुशआ रवनिबो मुलाफ्फानि थाखाय खामानि मावखै, जायनि थाखाय हादतनि थासारिया दुंहाव जादों। फाकरलआ बुंबावदेंदि, इन्टरिम सरकारआ जैबायदि खामानि मावदों बेखौ नोजोर होयोब्ला थाबेनो बिसायथ थि खुंनुया गोनांथार होन्ना मख 'देखावदों। □

EDUCATIONAL NOTICE

No. TE(Ex) Admn-6/2023/

COUNSELLING AND PROVISIONAL ADMISSION INTO THE STATE GOVERNMENT POLYTECHNICS OF ASSAM FOR THE SESSION-2025-26

[THROUGH LATERAL ENTRY FOR I.T.I. STUDENTS]

It is brought to the notice of all concerned that the counselling process for provisional admission into the 2nd semester Diploma in Engineering and Technology courses of State Government Polytechnic of Assam will be based on the Provisional Selected List of Directorate of Employment and Craftsman Training, Assam Rehabari, Guwahati-08 vide letter No. 339921/1/880015/2025, dated 01-01-2025. The provisional selected list provided vide above mentioned letter is available at <https://dte.assam.gov.in>

The Provisionally selected candidates are advised to appear before the Counselling Board with the following documents in ORIGINAL and one set of PHOTOSTATE for submission as per the schedule mentioned below:-

1. Mark sheet. [I.T.I.]
2. Pass Certificate. [I.T.I.]
3. Age Proof Certificate [10th standard or equivalent examination Admit Card.]
4. Caste/Category certificate [Non-Creamy Layer (NCL) certificate in case of OBC/MOBC]
5. Permanent Residents Certificate (PRC) of Assam.
6. Rs.250/- (in cash) as Non-refundable Counselling fees.
7. Two copies of recent passport size photo.

Note:- The eligibility of the candidates for admission into Polytechnics through Lateral Entry will be as per A.I.C.T. E. norms.

Venue:- Directorate of Technical Education, Assam, Kahilipara, Guwahati-19.

Date & day	Reporting Time	Time of counselling	For Branch [Merit & Waiting list]
6/02/2025 Thursday	10.00 a.m. to 10.30 a.m.	10.30 a.m. to 4.00 p.m.	Instrumentation Engineering; Mechanical Engineering & Electronics & Telecommunication Engineering
07/02/2025 Friday	10.00 a.m. to 10.30 a.m.	10.30 a.m. to 4.00 p.m.	Civil Engineering , Electrical Engineering & Mechanical [Auto] Engineering

It is also brought to notice that provisional admission letters will be available at <https://dte.assam.gov.in> within the month of February, 2025 and candidates are directed to visit the website for further details.

Sd/-
Director of Technical Education, Assam, & Secretary, State Council for Technical Education, Assam
Janasanyog /D/11950/24/25-Jan-25
Kahilipara, Guwahati-19.

मुलुगनि नैथि लावसिन दैमायाव दालां बानायैनि मिबथिनो गोनां जाहोन

मुलुगनि गिदिर फिसा गासैबो हादतफोरवनो गोबां दैमा आरो दैसाफोरनि सायाव गोबां रोखोमनि दालां बानायनाय नुनो मोनो। मुंदांखा एमाजन दैमाआ मुलुगनि नैथि लावसिन दैमा आरो बेयो खोला आमेरिका महाद्विपनि बिखाजों बोहैयो। एमाजन दैमाआ पेरुनि एन्डिज हाजो मालारिनिफ्राय ओंखारो आरो आटलान्टिक लैथोमायाव गोरोबहैयो। बे दैमाया ब्राजिल, बलिभिया, पेरु, इक्वेडर, कलम्बिया, वेनेजुएला, गयाना, फ्रेन्स गयाना आरो सुरिनामनि गेजेरजों बोहैनाने आटलान्टिक लैथोमायाव गोरोबो। मख'जाथावदि, एमाजन दैमाया गोगो आरो गुसु दैनि मुलुगनि बयनिखुइबो देरसिन दैमा, जाय दर 9 हादतफोरनि गेजेरजों बोहैनाने गोबां जिउनांफोरनि गांनायखो फोलोमो। बे दैमानि फारसैथिबो मारुआव रोजा हाग्राबारि दं। बे दैमानि फारसैथिबो बोरिनि हाया जोबोद गुरै आरो सिदोमा।



एमाजन दैमानि गोलावआ 6,400 किल'मिटर आरो माखासे जायगायाव बेनि गुवारआ सोमोनांथाव महै 11 किल'मिटरनिबो बांसिन आरो माखासे जायगाफोराव लैथोनिफ्रायबो गुवारसिन, जायनि मारुखो नुहुस'वा। एसेबां गुवार दैमा सायाव दालां बानायनाया मोनसे गिदिर सेलेन्स। जानो हागो बेनि थाखायनो एमाजन दैमा सायाव गंसेबो दालां गैया। बेनि अनगायैबो बे दैमानि फारसैबो

मारुनि हाया जोबोद गुरै, जोबोद गुवार दै आरो रोजा हाग्राबारिजों लोगोसे दै बाना लोमसावनायाबो दालां लुयैनि जाहोन जानो हागो। बे दैमानि दैया बोसोरफोमबो गावनि लामाखौ सोलायो। बेफोर बायदि सेलेन्सनि थाखायनो दालां बानायनाया मोनसे गिदिर सेलेन्स होन्ना गनायजादों। फारसेथि एमाजन दैमायाव दालां बानायनाया गोनांथार होन्ना बुंजायो। बे दैमायाव दालां

बानायोब्ला गोबां रां खरसा जानायजों लोगोसे गिदिर गिदिर सेलेन्सजोंबो मोगा-मोगि जानांगोन। फारसेथि एसेबां गिदिर दैमा सायाव दालां बानायनायनि गोनांथि जानाने फे याखे होन्नाने जोबोद खम सुबुं थानाय बाहागोनि गेजेरजों बोहैलाडो। बेनिखायनो बे दैमाखौ बारनो दालां बानायनाया गोनांथार होन्ना गनायजायाखै।

भारतनि गिबि डिजिटेल गुदि बिथाखौ मणिपुरआव लन्च खालामगोन



इम्फल, 24 जानुवारि: मिरु सरकारआ मणिपुरआव खम बैसोआव थाफानाय गेलेगिरिफोरखौ सिनायथिनो थाखाय स्काउटिनि भारतनि गिबि डिजिटेल गुदि बिथा गायसन्नायखौ गनायथि होबाय। मणिपुरनि लाइमोन केसफोर आरो गेलेमु मन्थि

गबिन्दास खंठैजामनि मणिपुरनि खोला माइरंआव खुंनय मोनसे हाबाफारिआव बेखौ फोसावो। गबिन्दासआ बावैसो सिगां मिरुनि दैदेनिगिरिफोरजों लोगो हमादोंमोन। बिथाखड बुंदोंदि, गोदान बिथांखि सा-सान्जा ओन्सोलनि जौगाखां मावख'नि सिडाव मणिपुरआव

जौगाखांनय लाबोगोन। बे मावख'आ सा-सान्जा ओन्सोलाव जौगाखां यजनाफोर आरो बितांखिफोरनि खामानि मावनायखौ नोजोर लाखियो। गासैबो बिथांखिफोरनि गोनांथि जाथावना रंखांथिनि बागै मणिपुरनि गेलेमु मन्थिआ बुडोदि, बाजेटयारि खांथिआ

फेगो मार्च 2025 रंखांथि बोसोरनि सिडावनो गनायथि होनो हागो। डिजिटेल स्काउटि गुदि बिथानि मुलाम्फाफोर जैरे साबसिन गोहो, सौहैनो हानाय, जौगाखां सोलेंथायारि मुवाफोर आरो हान्जायारि हाबाफारि मावफुंनय बायदिखौ नोजोर बोनाने मन्थिआ बुडोदि, केच देम यां हाबाफारिआ राइज्योनाडे रोंगथि गोनां माखासे लाइमोन एथलिटफोरखौ सिनायथिगोन। अल माइरं फु टबल एम'सिएसन (एएनएएफए) आ जोबथा हाबाफारिखौ खुंदों, जेराव 5-12 बोसोरनि सा 300 निबो बांसिन गेलेगिरिफोरा बाहागो लादों। मन्थिआ लाइमोन एथलिटफोरखौ बाख्नायदों आरो गोसोखांथि नेसॉनखौ रान्नाने होदों।

रंजालि गथ'फोरनि सौरा

बाथौनि मुं

गोसारबाय गोसारबाय मुलुगनायें बोराइ बाथौनि मुंआ बिरहोबाय बाथौनि मुंआव गोथार फिरफिला रिसारबाय थानसालिआव बाथौ आर'ज, खुलुमबाय आफा ईशोर गोजोन फुबिलि गोथार समाव आंगोनि आंगो सानना आफा नोंखौ। बाथौनि मुंआवनो बारबाय गोगो बार हर सान नॉनिनो मुं आफा सुबुं माहारिनि खुगायाव, आवगायदें आफा नॉनि मुंखौ गोसार होबावनो मुंदांखा खालामबावनो। खना खनला नॉनिल' मुं आफा जेरैखि मेगन फिदिआ मानो आफा खोनायो खोमायाव दा दानो नॉनि मुं, दैमा दैसायाबो गाबजिहरदें बाथौनि मुं दावमा दावसानि गारजों बाथौनि मुंआ रिंखांदों। फेदो फे रैखा खालामनि बाथौनि मुंखौ अगियानखौ नेवसिना हाथिलानि आबु धोरोमनि लामा फारसे, होबथाबाय आफा नॉनिनो मुं लाना नेवसिग्रानि हेंथायै। अ आफा सोरजिगिरि समखौ नेआसे जों आफा हाथिनो बाथौनि मुंआव गोथार आलारि गोथार समाव, फुं मोना नॉनिनो थानसालियाव गाबजिहरो आफा बाथौनि मुंखौनो।।

मनिका गयारि गोदान देलहावसि, गहपुर

लिमारिक

बिखा बिख्लो गैया फालिनाव एसेबो खारफालांबाय फिसाफोर थाखाब्लाबो ससेल मेडिया नुजाबाय बिमा बिफा सिंगा सिबाय बुथारजानाय सह' मोनाखै नागिरब्लाबो।

रिलस बानायदों आइजोफोर रां आर्जिनो फिसाफोरा खबु मोनसिन्दों गेनाखौ सोलोंने फिसाखौ बुजायनो हालिया बाद होब्ला उल्था दानिया गावनो बिदिखा इयुनाव नों सोरखौ बुजायबावनो।

गलाप खुंगुर बसुमतारि कक्राझार ।

: खुरबाइ ?
: औ।
: थ' जाहैदोनि नोंथां। दसे बिसनायाव गोलांग्लाना इराजी निउस फेफार नायदोंमोन। नाथाय उन्दुलांसनदोंमोन।।
: थु। सिखांन बुडो।
: जारौआसो जेरथ जेरथ खामानि मावनांबाय। गिथावआ जिरायनाय फावयै बुडो।

: जेबो नडहाय गावजों गाव लाय। जादो आदामोन। गजा-मजा, आं संनोबो रोड। फानलु-संखि रान्नाय फावयै बुंलाडो फारि फारि।

: माथो गोथावथारलाय जारौ। सोदोबा खबथामसो जानाने लावगिनि मोखाडव नायहरनाने बुडो।
: गोथावबाथ' आंनिबो गोजोन्याय आदामोन।
: जारौ संनायजों मायलि सोमनाय बायदि थुमथारसैने जोंयो, नोंथां बाबु। गिथावआ फेस्ता राव होनो।
: औ, जारौनिया मुडलाय माथोमोन ? आरो बबेनि ??
: आंनिया, मुड...मुड.. उम...मुड। इसे लाजि दबदोंमोन।
: बुंदो। मा बावबाय ? ओंखाम सावरायनाने रायज्जायो सोदोबा।
: गात्रिथार आंनि मुड। लावगि दैमारिसो। बेसरगावनि।
: बेसरगावनि।

: औ।
बिबिन्दो गिथाव आरो सोदोबा लावगिजों रायज्जायलु रायज्जायला जामबा उदैखौ बुरखाय खंगगुलायबाय।
: गिथाव नोंथां। नै बाजिलायबाय। आखायनि घड़ीखौनो दासो नायनो समाय मोनबाय। सोदोब बिथाड गय जानाय फावयै बुडो। साना सोनाब रोबैयाव दोबैलांबाय। उदां नखांयाव हाथरखि-हाला, रिथि-रिथा, जोंब्लाव-माब्लाव।
लोगोयाव दंमोन समायना बुहुम बिखायाव सांग्रेमा। हर थौलांबाय। हर गेजेर। बयबो निजोम सिरि। सोरॉसि-सोरॉसि लावदुमनि उन्दुलांनयाव मेगनि सिडाव नुजाफैबाय लावगिनि महर। दैसा जिंआव मिनिलाब मिनिलाब रायज्जायदों दुगैनो थानाया।
: लावगि, माथो नों गलानोसैनो ?
: माथो।
: थाफिनला ?
: थालाहां बुरै अदादों। मालायनि न' न'।
: होमब्लायाय आं हाबाखौनो लानाने दोनहैसै नोंखौ।
: आं दानो हाबाबो जाया। संसाराव हाबब्ला सिख्ला बैसोखौ बबेहाय मोनो हाय। बिबिन्दो गोबाव सावरायखानायनि उनाव दसेनो दसाजों जालायबाय। गिथावमोननि गामियाव बैसागु खुंदोलायनो। बेवहाय गावसोर सानैजों जावजा मोसादोंसैनो। मेथायआबो औरै-लावगि-नै आदा लावदुम(संग्रेमबिहाव)

गोसोनि बिबार बारि,,,,,

अरनबारि बिखानि गेजेर गेजेर दावबाय लानाय गोर्बो मिजिजों आखाय फायखन फायखन लिंहरो सिखिरि आजोला समायखांहोयो गोसोनि बिबार बारि बिरबायलु जोमै आबिर सार्फानाय बेसेन गोसा रोसि मोनदांहोयो अननायनि लैथो

रिसारलांडो उदायें देखो बोहैहोनाय हाजो हायेन मिथिंगा बिखायाव गोमसारलांजासे खोना संलांडो जिंगा गैया गोसोनि अरनि दाउमादाउसा जिब जुनार बिफां लाइफां आरो आं बिसोरखौ नायैनो गोसो गोजोन जायों

मिथिंगाजों गोरोबफलेनाय दाउमा दाउसाफोरजों लोगोसे मेथाइ खननाय समाय होसिनो आंनि गोसोआव बिसोरनि जावले फिन्नाय सोदोबफोरजों रायज्जायनाय मिलौहाव रैसुमै मेथाइनि गोदै देखो खोनासंहोनानै अराय सम जिउ दावबाय लानाय आगान थुलुंगा होयो

सिरियै उन्दुसिना थानाय हर फोजाखांफैयो मोजोमसे अननाय मिजिनि फिथिखा लुफावो गोर्बोनि देखो जों मेथाइ रोजाबो जिउनि मिजिफोरा गाव गोनां जाथों मोकथांफुरि जिउनि आनथोर दावबायलानाय।

रावबो मिथिया जासे थायो आंदि नैबै फेसालियाव गोर्बो बिखा मोनसे मिजिंखौ लानाने माब्लाबादि हरानो सा सानानो हर जालांडो जेबोखौनो मिथिया गोलाव सम जिउनि लामा हाथिनय जिउनि मिजिफोर अराय जिउ मोनसेआव बेबादि थानाने थाथोंसै गोसोआरि सानबोलावरि सिरियै अननायनि फिथिखा लुफावनाय गोसोआव सोंलु जाखांफैनाय दा फुबिलि सम बेबादि सोरां नुजाफैथोंसे।

प्रदिब रामसियारि सा ठेकियाजुलि, सनितपुर

बोहैथि सानस्त्रि

थाद'आ दिनेबो गोसोनि सानबोलाउरियाव मोजां मोननायनि बोहैथि सानस्त्रिया, लैथोसे गुवार बिखानि गोथार अननायखौ होगोन नों अनजालिनो गोरोबो बुंजासे।

रेबथुमना दोननाय सानश्रहायै गोसोनि खोथाफोरा सुजुजाबाय दिने गांसे लाइजामनि महराव, बोहैथि सानस्त्रिया समनि खवलायनायाव फोरमायबाय मोजां मोननायनि फंसे गोदै राव।

मुखुब बुब्लिनि अनजिमा गैया गोसोखांथिफोरा जंखायफैयो सान, हर उन्दुनाय गैया मेगनाव, सतबांसा लाहोयो मोजां मोननायनि मुडव बोहैथि सानस्त्रिनि बायदि गाबगोनां सिमांफोरा।

सोरगिदिं समायना संसारनि गोजोनथिलियाव नायगिरो नोंखौल' मोनफ्रोमबो आगानाव, गोजोन फेसालिसिम दिड जावलांनय थांखिजों साजायनो नाजायो जिउखौ बोहैथि सानस्त्रिजों।

निजोम बर' पशिसम पानेरि, अदालगुरि

सोगो नख'र दानो थाखाय

सोगो नख'र दानो थाखाय नागार नांगो नालाय खमलाय सोगो नख'र दानो थाखाय अराय नांगो अनलाय लायनाय सोगो नख'र दानो थाखाय नांगो धोरम गियान थानाय सोगो नख'र दानो थाखाय नांगो मिनि सोरां थानाय सोगो नख'र दानो थाखाय नांगो जाम जाम ओंखाम जानाय सोगो नख'र दानो थाखाय नांगो मोजां राव बाहायनाय सोगो नख'र दानो थाखाय नागार रागा रगा जानाय सोगो नख'र दानो थाखाय थानो नांगो फोथाय लायनाय

दैदोम बर', बावसा

सुंद' सल'

सनजय बावदा दैमारी

रुवाथि

गिथावनि बिमा अनसुलिआ गामिनि एलपि स्कुलनि मिसट्रेस, गिथावआ कक्राझार कलेजआव फरायगासिनो दं। देग्लाय एडस एस नैथि बोसोर होदों। गोबाव जाबाय नयाव फेयैया नै दानसो। सानथामसो जाबाय आनजाद जोबनाया। दिनेसो नसिम सौफैफिनबाय। लोगोयाव सासे कलेज फ्रेन्ट रिक्सानिफ्राय ओंखारना गिथावआ बिमाखौ गाबजियो। हांखुर थारसै गिथावआ बिमाखौ गाबजिनया।

: मा, मा, अ' मा-
: स्कुलाव दहैयो आनैया। इसिनिफ्राय ओंखारबोनाय फावयैनो लावगि रुवाथीया बुंहरो। ओंखामखौ लावगिआ जाखानानै आखायल' सुदोंमोन। गिथावआ गावनि खथायाव हाबहैयो।
: जारौ खापनैसो साहा फुदुंनाने लाबो।
: दे, दे होन्ना अगदाबाव अर लागाय हैयो।
: जारौया ओंखाम जादोंमोन नामा ?
: जाखांबाय।
: जारौ, लावदुम आरो खोथिया मोनहालाय।
: दासो जाखानाने गोलांग्लानों खोमाहाय। इसिनिफ्राय बारान्दायाव फेना लावगिया गिथावजों मिनिम्रां मिनिम्रां रायज्जायो। लाजिया फांजिया। खुनुबेलाबो थाफेजेन्नायनिफ्रायनो लावगिजों गिथावजों नुज्जायफेराखै। दिनेसो बेबायदि रायज्जायनाय नुना गिथावनि कलेज फ्रेण्डआ सोडो बिथां सोदोब इस्लारीया-आप्सा गिथाव नोंथां बियो नोंथांनि बिनायाव नामा ?
: नंडाले नोंथां रुवाथिसो।
: बबेनिथो जाखो ?
: आंबो मिथिया नोंथां। आं खुनुबेलाबो नुफेराखे नआवबो खनसेबो फेनाय जायाखै। कक्राझाराव स्नि दानसो जाबाय। आं नआव फेयैया। लावगिया ट्रेयाव खाबनै साहा, गिलासनै दै आरो प्लेटआव जाग्रा मुवा।
: लावदुम आरो खोथियाखौ दावखौ मासे सिथारनो थिनसै आं। जारौआ सबायखौनो इसे संलाइदो। सबाय मोनजायैआ

गोबाव जाथारबाय। दावजोंनो संसाबदो। आलासिफोर फेबाबो जौनवा गजा मजासोलें नोंथां। आरो मा दड; बाजिफोर एवनोलाय ?
: फानथाव, आलु दड। होन्नाने ओंखारबोयो।
: माथो ओंखि जाखो दालाय ? गिथावआ लोंहोलां सोंहोलां खालामो।
: अनदलाजों ना बालाबाथिया गोरानजोंसोमोन। लावगिया बाथायाव गयखावनाने लानाने हाबफैफिनो। ट्रेयाव खाफ, गिलास आरो फ्लेट लानाने ओंखारबोयो। लावदुम आरो खोथियाखौ फोजाफैयो।
: लावदुम खोथिया। हेद दहरम गरथलायदोंसो। आलासि फेनायखौ मिथिलायै उन्दुबाय। साग्रां-माग्रां सिखारो सानैबो।
: बाबु फेदों ? लावदुमा सोडो।
: औ, रगासो जोंगासिनो नोंसोरखौ। लावगिया थगायो।
: रगासो जोंगासिनो। खोथियानि सियायनायजों बुंनय रव। लावगिया मालायफोर रुवाथि बायदिनो गोसो नंथारा। बयजोंबो मिलायनोखौ रोंगो। गुर-गुजिया, सालाय-गोलाव, मिला-मिसा आरो निनदाबासाबो गैया। ईसोरा हरदोंब्ला गोसो बियो बयजोंबो मिलायना जालांगोन। रावबो लावगिखौ बुहुमाव बासिनो हाया। जायहा लानो मोनदावबाय आरो बोसोरने बोसोरथाम थायाब्लानो गखायो। महराव गेजेन नडै, नाहा-मैहायाव गेजेन नडै आरो संनाय-खावनायाव सिमियन माने से नाम्बर। बिबिन्दो सबाय ओंखिखौबो एवसे एवनाने, दलायनाने, खुनाने, जानाने आरो रुबाय। लावदुम आरो खोथियाबो दावखौ हमना हाथारना सावनाने गोदानाने होबाय। साबाय गोरलें दाव। दावला देदफुदला दाव। जि गोथाव सबाय। गोमोजेद मिलौहाव फ्लेलायनाय। मोदोमफुलायनाय गांनैसो गंगार दुनदिया। आलु आरो फानथाव एसे फ्राय एवबाय आरो दावदें दैनैसो मामलेद एवना होदेरबावबाय। खुरनाने होबाय डायनि खथायाव। गिथावनि खथायाव हाबफेना लेंफेबाय।
: आदा, ओंखामा खुरबायमोन। जाफेदो।

गोबाव जाथारबाय। दावजोंनो संसाबदो। आलासिफोर फेबाबो जौनवा गजा मजासोलें नोंथां। आरो मा दड; बाजिफोर एवनोलाय ?
: फानथाव, आलु दड। होन्नाने ओंखारबोयो।
: माथो ओंखि जाखो दालाय ? गिथावआ लोंहोलां सोंहोलां खालामो।
: अनदलाजों ना बालाबाथिया गोरानजोंसोमोन। लावगिया बाथायाव गयखावनाने लानाने हाबफैफिनो। ट्रेयाव खाफ, गिलास आरो फ्लेट लानाने ओंखारबोयो। लावदुम आरो खोथियाखौ फोजाफैयो।
: लावदुम खोथिया। हेद दहरम गरथलायदोंसो। आलासि फेनायखौ मिथिलायै उन्दुबाय। साग्रां-माग्रां सिखारो सानैबो।
: बाबु फेदों ? लावदुमा सोडो।
: औ, रगासो जोंगासिनो नोंसोरखौ। लावगिया थगायो।
: रगासो जोंगासिनो। खोथियानि सियायनायजों बुंनय रव। लावगिया मालायफोर रुवाथि बायदिनो गोसो नंथारा। बयजोंबो मिलायनोखौ रोंगो। गुर-गुजिया, सालाय-गोलाव, मिला-मिसा आरो निनदाबासाबो गैया। ईसोरा हरदोंब्ला गोसो बियो बयजोंबो मिलायना जालांगोन। रावबो लावगिखौ बुहुमाव बासिनो हाया। जायहा लानो मोनदावबाय आरो बोसोरने बोसोरथाम थायाब्लानो गखायो। महराव गेजेन नडै, नाहा-मैहायाव गेजेन नडै आरो संनाय-खावनायाव सिमियन माने से नाम्बर। बिबिन्दो सबाय ओंखिखौबो एवसे एवनाने, दलायनाने, खुनाने, जानाने आरो रुबाय। लावदुम आरो खोथियाबो दावखौ हमना हाथारना सावनाने गोदानाने होबाय। साबाय गोरलें दाव। दावला देदफुदला दाव। जि गोथाव सबाय। गोमोजेद मिलौहाव फ्लेलायनाय। मोदोमफुलायनाय गांनैसो गंगार दुनदिया। आलु आरो फानथाव एसे फ्राय एवबाय आरो दावदें दैनैसो मामलेद एवना होदेरबावबाय। खुरनाने होबाय डायनि खथायाव। गिथावनि खथायाव हाबफेना लेंफेबाय।
: आदा, ओंखामा खुरबायमोन। जाफेदो।

मुकेश आम्बानीआ मुलुगनि बयनिखुइबो देरसिन डाटा सेन्टार लुफुनो थियारि जादों



सामित 2024 आव रिलाइन्स आरो आमेरिकानि कम्पानी एनभिआइडिआइएआ भारतआव एआइ बिथायारि मिरु लुफुनो थाखाय मोनसे जुथाय नाजानायखौ फोसावदों। जेराव बे सावराइमेलआव आमेरिकानि कम्पानीआ रिलाइन्सजों बानायजानाय मोनसे गीगावाट डाटा सेन्टारिनि थाखाय गावसोरनि ब्लेकवेल एआइ प्रसेसरफोरखौ जगायगोननि खोथा होदों। मुकेश आम्बानीआ गासैबो सुबुंफोरनि जौगानाय लाबोनो थाखाय आरो मुलुगआव समानथि लाबोनो थाखाय आदोबखौ बाहायनो हानायनि सोमोन्दै फोरमायो। जेराव आमेरिका आरो चीननि अनगायैबो भारतआव बयनिखुइ साबसिन डिजिटेल फोनानाब राहा खालामनायनि बाध्रा बुंदों।

गोदान दिल्ली, 24 जानुवारि: रिलाइन्स इन्डास्ट्रीसनि सियारमेन मुकेश आम्बानीआ गुजरनि जामनगरआव मुलुगनि बयनिखुइबो देरसिन डाटा सेन्टार लुफुनो थियारि खालामगासिनो। जेराव बे खौरानि सोमोन्दै ब्लुमबार्ग निउज रिपर्टनि गेजेरजों मिथिनो मोन्दों। कम्पानीनि बे हाबाफारिआव भारतआव आर्टिफिसिएल एन्टेलिजेन्सनि नुथायाव रिलाइन्सनि आखाइ होनायनि फार्से आरोबाव आगानसे

आवगायनायखौ नुनो मोन्दों। जेराव बेनिफ्राय एआइनि फोथारआव आरोबाव भारतनि जौगागोनखौ मिजिंथिदों। खौरानि बादिब्ला, मुकेश आम्बानीआ आर्टिफिसिएल एन्टेलिजेन्स बिरेंदामिननि गाहाइ मुलुगाना कम्पानीफोरनि गेजेराव मोनसे एनभिआइडिआइएनिफ्राय एआइ सेमिकन्डाक्टरफोर बायगासिनो दडा। खौरानि बादिब्ला, थानाय अक्टबर दानआव एनभिआइडिआइए एआइ

एलन मास्कनि गेमिं स्क्लिपखौ आगुनि बिसि ग्राइम्सआ बाखायदों



वाशिंन्टन, 24 जानुवारि : एलन मास्कनि आगुनि बिसि आरो कानाडान मिउजिसियान ग्राइम्सआ बावैसो सिगां बनि गेमिं स्क्लिपखौ जोबोद बाखायदों। माइक्रोब्लिगि साइट एक्सआव ग्राइम्सआ बुंदोंदि, आनि पार्सनेल गोजोनायनि थाखाय बिखौ मिबथिहोनो सानोदि, आनि फिसाफोरनि बिफाया गिबि आमेरिकान ड्युड, जाय डियाब्ल'आव एबेयार अफ जिर'खौ क्लियार खालामदों आरो सिजननि जोबथायाव आमेरिकानि बेस्ट फ्लेयारबो जानो हादों। बियो पलिटिफिया गेमआवबो रेंकिं मोन्नो हादों आरो गावनो फेलिक्सखौ फेजेन्तो हादों। बेफोर गासैखौबो बियो गावनि मेगनजौनो नुदों आरो गुबुन नुगाफोरबो बेखौ नंगो होन्ना फोरमान होनो हागो होन्नाबो बियो बुडो। ग्राइम्सनि बे पस्टआव एलन मास्कआ

साबायखर होदों। मख'जाथावदि, एलन मास्कखौ गोबाव समनिफ्रायनो गेमिंखौ अन्साइग्रा एबा मोजां मोनग्रा होन्ना गनायनाय जायो। टेस्लानि सिइअ मास्कआ गोबां खाबुफोरिव गावनि गेमआव

इन्टेरेस्ट थानायखौ फोरमायदों। बावैसो सिगां मास्कआ मोनसे लाइफ स्ट्रीमआव बै गेम केरेक्टरफोरखौ दिन्थिदों, जायनि उनाव बिथानि स्क्लिपनि सायाव दान्थे-बिदान्थे सोमजियो। माखासे

गाहाइ गेम गेलेग्राफोर, जेराव अटिके गुपनि सोद्रोमा अस मंगलआवो दफायो, बिसोरो बुंदोंदि, मास्कआ गावनि केरेक्टरखौ गाव बानायाखै। मोनसे स्ट्रीमआव अस मंगलआ बुंदोंदि, मास्कआ गावनि

केरेक्टरखौ गाव बानायाखै बेनि ओंथिया जादों बै एकाउन्टआव बिथाडा गाव गेलेयाखै। बै एकाउन्टखौ बिथाडा गुबुननिफ्राय बायनानै लादों। सोरबायासो बै केरेक्टरआव गेलेदों। बै बाध्राखौ बियो जौसे जौखेन्तो गनायथियो होन्नाबो बुंदों। सावरयगिरिफोरा मास्कनि गेम प्लेआव माखासे गनायजाथावैफोरनि इसार होदों। बिसोरनि बुंनाय बायदिब्ला मास्कनि हाइ लेभेल केरेक्टरआ गावनो गेलेनायनि फिथाइ जानो हाथावना दाय जाबसिन्नाय आरो सौंथि खालामनायनि सायाव फिन्नाय होनाइ एलन मास्कआ एक्सनि गेजेरजों गोखौ बाध्रा बुंदोंमोन। नाथाय उनाव बे परस्टखौ बियो डिलेट खालामदों।

रासिया-इउक्रेन दावहाखौ फोजोबनो ट्राम्पआ सिगांबोदों



वाशिंन्टन, 24 जानुवारि : आमेरिकानि हादतगिरि डनाल्ड ट्राम्पआ गावनि खोथा होनाय बायदियै रासिया-इउक्रेन दावहाखौ फोजोबनो थाखाय एक्सन मडआव फैदों। बेनि थाखाय ट्राम्पआ रासियानि हादतगिरि पुतिनजोंबो गोखैयै सावरयनो बुंहरदों। बिथाडा बुंदोंदि, गिखंथाव बे दावहाखौ फोजोबनो थाखाय रासियाआ इउक्रेनजों गोरोबथा खालामथारनगोन। मोनसे प्रेस कन्फरेन्सआव डनाल्ड ट्राम्पआ बे आयदायाव गोखौ नोजोर होना रासियानि हादतगिरि पुतिनजों थाबैनो लोगो हमगोन होन्ना बुंदों आरो रासियाआ बै

रादायखौ खालामनाया मुलाम्फा गोनं जागोन होन्ना गावनि सान्नायखौ फोरमायदों। गावजों लोगो हमनो मोन्नानै पुतिनआ मोजां मोनगोन होन्नाबो बिथाडा बुंदों। सिगां फारसे ट्राम्पआ बुंवावोदि, सानफ्रोमबो दावहा फोथाराव जिउ गोमानानाय

सान्थिफोरजों जों लोगो हमनो हाया। आथिखालाव सोलिनाय बै दावहाखौ ट्राम्पआ नैथि मुलुग दावहानि उनाव जानाय बयनिखुइबो गिखंथावसिन दावहाफोरनि गेजेराव मोनसे होन्ना बुंदों। गोबाव सम सोलिनाय

दावहायाव लाख-लाख सान्थिफोरनि जिउ गोमानाय आरो सरसन्ना सुबुंफोरनि जिउ ख'हा जानाया मोनसे गिदिर जिंगानि आयदा। बेनिखायनो रासिया-इउक्रेन गेजेराव गोजोन गोरोबथाखौ जाफु'होनो थाखाय नाजानाया सानसे जाफु'गोन होन्ना बिथाडा गावनि आसा खालामनायखौ मिबथिहोदों। आथिखालाव बेफोर बायदि दावहाखौ फोजोबनायनि सम फैबाय होन्ना हादतगिरि पुतिनजों थाबैनो ट्राम्पआ लोगो हमनो गोसो जानायखौबो फोरमायदों।

नभाक जकभिचनि फिन ग्रेन्डस्लेम देरहाबावनायनि सिमाडा फेलें जाबाय

मेलबर्न, 24 जानुवारि: साबियानि स्टर टेनिस गेलेगिरि नभाक जकभिचआ अस्ट्रेलियान अपेन 2025 निफ्राय जायखारनां बाय। बिथाडा आलेकजेन्डर ज्वेरेभनि हेंथायै सेमिफाइनलनि बादायनायाव जोखोमनि जाउनाव गेजेर समावनो जायखारनां दों। मेलबर्ननि रडलेभार एरेनाआव बादायनाय बै मेचआव नैथि रेंकिंन ज्वेरेभआ गिबि सेटखौ 7-6(5) जों देरहानायनि उनाव जकभिचआ जायखारनायनि जाउनाव वाकअभारनि मुलाम्फा मोन्दों। जामाननि बादायारि ज्वेरेभआ बै खेबआव फाइनलआव यानिक सिनार आरो बेन सेल्टननि गेजेराव जानो



गोनं नैथि सेमिफाइनलनि देरहागिरिजों बादायगोन। इयलीनि सिनारआ बै इभेन्टआव गिबि रेंकिं मोन्दों। गुबुन फार्से आमेरिकानि सेल्टनआ 21 थि रेंकिं होजादों। ज्वेरेभ आरो जकभिचनि गेजेराव गिबि सेटआ 1 घन्टा 21 मिनटसिम सोलिदों। जेराव बे सेटआ जोबनायनि उनावनो 7 थि

रेंकिंन जकभिचआ मेचनिफ्राय आजिरानि थिरंथा लायो आरो सियार अम्पायारजों आखाइ हमज्जलायो। बेनि सिगां कार्लस अल्कारेजनि हेंथायै क्वार्टर फाइनल मेचआव जकभिचआ आगिस आथिडाव जेंना मोन्दोंमोन। जायनि थाखाय बै मेचआव बिथाडा गिबि सेटनि उनाव मेडिकेल टाइमआउटबो

लादोंमोन। मख'नाय जायोदि, बयनिखुइ बांसिन सिंगेल्स ग्रेन्डस्लेम बिमुं देरहानाय फारिआव जकभिच आरो बारा' अस्ट्रेलियान गेलेगिरि मागरिट कर्टनि मुडाव समानै बिमुं देरहानाय रेकर्ड दडा। जेराव बिसोर सानैआ फारियै खेब 24 ग्रेन्डस्लेम बिमुं देरहाबाय। नाथाय बेनि गेजेराव मागरिटआ मोन 13 बिमुंखौ अपेन इराआव देरहादों। जेराव बे इराआ 1968 आव जागायदोंमोन।

सौदि आरबआ 2030 आरो 2034 नि फिफा वर्ल्ड कापखौ दरथाम हादरजों खौसेयै बान्जायनो थियारिसै



रियाड, 24 जानुवारि: सौदि आरबआव फुटबलनि देरसिन टूर्नामेन्ट फिफा वर्ल्ड कापखौ खुंफुनाय नुनो मोनबावगोनआ सिगां समावनो सोराखव फैदों। मानोना फेडरेशन इन्टरनेसनल फुटबल एस'सिएसन (फिफा) आ बेनि थाखाय थानाय बोसोरवनो रोखा खालामदों। थामहिनबा फिफाआ 2030 आरो 2034 नि फिफा वर्ल्ड काप बान्जायनो मोन्नायखौ बै

हादरनो गथायबाय। बेनि थाखाय सौदि आरबआ सोलिफु समनिफ्रायनो लासैयैब्लाबो फारफ्रोमथि'बो थियारि जागासिनो दडा। फिफाआ फुटबल वर्ल्ड काप 2034 खौ सौदि आरबनो गथायनायजों लोगोसे 2034 नि वर्ल्ड कापनि खुंफुनो मोनगोनखौबो रोखा फोसावनानै होदों। जेराव 2030 नि वर्ल्ड कापखौ स्पेन, पर्तुगाल आरो मरक्क'आ जुथायै

बान्जायगोन। मख'नाय जायोदि, 2022 नि फिफा वर्ल्ड कापआव आर्जेन्टिना आरो फ्रान्सनि गेजेराव फाइनल मेचआ 3-3 गलआव समान जादोंमोन। जायनि फिथाइ महरै पेनाल्टि शूटआउटआव आर्जेन्टिनाआ 4-2 गलआव देरहानानै जारिमिनारि महरै थामथि बिमुंखौ देरहायो। 2026 नि फिफा वर्ल्ड कापखौ आमेरिका, कानाडा आरो मेक्सिक'आ जुथायै बान्जायगोन। काठारआ जाफुसैरि फिफा वर्ल्ड कापखौ बान्जायनायनि उनावनो सौदि आरबआ गावसोरनि हादरआव फुटबलखौ जौगाहोनो थाखाय गोबां थुलुंगा मोन्दों। जायनि थाखाय सौदि आरबआ थानाय 2-3 बोसोरव गोबां फुटबलनि फोथारआव इभेन्ट खालामदों।

गिबि मन्थि एन बिरेन सिंआ कंग्रेसखौ गोखौं रावजों गाग्लोबदों



हास्थायो। बेयो मोनसे रजखान्थियारि आयदाल'नड, मोनसे गोजाम जेंना। बिसोरो

बै आयदाफोरखौ जोनोम होदों आरो बिसोरो जौखौ दाय होयो। भगवानजों लोगोसे सुबुंफोराबो बिसोरखौ निमाहा होनाय नडा होन्नाबो बिथाडा बुडो। बेनि अनगायै गिबि मन्थि सिंआ दाय जाबसिन्नाबो बुडोदि, कंग्रेसआ मणिपुराव गावनि एमपिफोरखौ संसदआव बाध्रा बुंनो होया। बेरेखा दोलोआ

राइज्योनि थासाखिखौ लाना राजखान्थि खालामदों। गाहाइ मन्थि मदिनि दैदेन्नायाव राइज्योआव सानफा-एफा साबस्रानाय फै गासिनो। आइन-बे बस्थायाय साबस्रानाय फैगासिनो। मिरु सरकारआ सुबुंफोरनि दाबि खालामनाय बायदियै गासिबखौबो खालामगासिनो दड होन्नाबो बुडो।

गैला। गिथाव बिमाया हंन खुन्सेयै खोथियाखौ फोजायो। : मा? लावगिया गैला?? फारसेथिं लावदुमा सिमांसो सुजुदोंमोन। बिसानानिफ्राय दुबफुं सिखासना सानो। : बाबु सिखासरो। बिदि होनना दरजा नारब्ला दरजाया गेवबायसो। आसरित मोनबाय गिथाव बिमाया। बाबु नौनालाय लोगोआ? : मा? लोगो?? गिथावआबो आसरित मोनो। : लावगिखौ खालानानै लांबाय। नों इसेबो मिथिया? : सिखावखौखि थाल मिथियोलै। फारसेथिं लावगिमोनहा बिजनीआव स्नि बाजनि बिजनीनिफ्राय कक्राझारसिम थानाय मिनि बासआव गाखोहैबाय। ओजोंहाय लावदुमा मेगनाव मोदै। जाम्बा-जामथा खोथियाआ बुजाय बायदोंमोन आरो गिथाव बिमायाबो। सानब्लाबो आगोर मोनै जानानै थाबाय। लावदुमा सानजा नख्रंमा फारसे गल'नायहरना मोदै रथ' रथ' आंगो जिउनि मोजां मोन्नायखौ सानो। अखानायसिनि रनसाइनाय सिमांखौ साना आरो नेवसिजालानायाव दिने बियो थप्ला-थपिल लानानै न'आव थंफिनबाय।

रुवाथि

(□ 4 बिलाइनिफ्राय) गलानोसै। आं गलानोबोला आनि अन्नायखौ बबेहाय मोनबावगोन नों हाय आदा, सोरजों नों अन्जाबावगोन। लावदुम-नों गलानोबोला आंओ थांफाथारगोनलै आगे, आंओ हारसिडै थाबाय थाया। लावगि-हाबाव आदाया

मोजां मोनोबोला, गला, बाजाराव थांबोला आपेल, आंगुरखौबा लांबोफेरा। लावदुम-आफेल, आंगुर नडले आगे आं नोंखौ गोरबोजों मोजां मोनोले आगे, आं नोंखौ गोरबोजों गोसोथोयो। लावगि-रादायखौ खाखाथारदो हाय आदा, गां

सुनाय दावआ बासायाव थाबाय थाया हाय आदा, गेवलांनय बिबारा अरय सम थाबाय थाया। लावदुम-सयथि-सयथि समाइलायो आं नोंखौ गोरबोजों मोजां मोनोले आगे, आं नोंखौ गोरबोजों गोसोथोयो। लावदुम, खोथिया लावगिया गैला। लावदुम, खोथिया सिखार, सिखार। लावगिया

No.KDB-415/2023-2024/11069 Dated Gurufela the 22/01/2025

NOTICE INVITING TENDER

Sealed tender affixing a non-refundable court fee stamp of Rs. 8.25 (Rupees Eight and twenty five rupees) only with a validity period of 180 days, which will subsequently be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under 15th FC fund for the year 2024-25 as stated below. The tender will be received by the undersigned 2.00 PM of 12/02/2025 and will be opened on same day at 3.PM.

Sl. No.	Name of Work	Location	A.A. Amount (Rs. In lakh)	Cost of bid document	Amount of bid security	Time of completion
1	2	3	4	5	6	7
1	Const. of community toilet at Bathou Garjasali	Borobadha	Rs. 11.00 L	0.03%	SC/ST= 1% OTH = 2%	3 months

Details N.I.T may be seen in all working days during office hours in the office of the undersigned tender will be issued to the contractors of their authorized agent from 23/01/2025 to 12/02/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela. Sd/- Block Development Officer, Kachugaon Dev. Block, Gurufela

IPR(BTC)-2023-24/1352

No.DE/BTC/Roofing_Replacement/04/2024/ Dated Kokrajhar, the 24thJan./2025

SHORT NOTICE INVITING TENDER

Sealed tenders affixing a non-refundable court fee stamp of Rs. 8.25 (Rupees eight & paise twenty five) only with a validity period of 180 days, which will subsequently to be converted and drawn up in the printed F-2 form are invited from the registered contractors of A.P.W.D./BTC/C.P.W.D/BTC Class-I(A,B&C), Class-II & Class-III (Building) category according to their eligibility for submitting tenders for the repairing work at Debitola High School. The tenders will be received by the undersigned up to **12.00 Noon on 14.02.2025** and will be opened on the same date & place at 2.00 P.M. onwards.

Detailed of documents and any query may be visit in all working days in the office of the undersigned.

Sd/- Director of Education, Bodoland Territorial Council, Kokrajhar

IPR(BTC)/C/2024-25/1354

No. DOE/BTC/Samagra Shiksha/21/2023-24/ Dated Kokrajhar, the 24th Jan '2025

PRESS NOTICE (e-Procurement)

The Director of Education, BTC, Kokrajhar invites bids on behalf of Governor of Assam for 20 (twenty) nos. of work under Kokrajhar District amounting Rs. 91,03,181.18 (Rupees ninety one lakh three thousand one hundred eighty one and eighteen paise) only from registered contractors of Class-I & II category of Assam PWD (Building), BTC.

Details may be seen at website <http://assamenders.gov.in> and also in the office of the undersigned during office hours.

Sd/- Director, Education, BTC, Kokrajhar

IPR(BTC)/C/2024-25/1355

(1 बिलाइनिफ्राय)

नोजोरनि हांमा

सिमा गैयै थाय्नै मेगननि गोफात नोजेराव, आनथोर जयै गोर्बोनिफ्राय बोहैग्लायनाय निजोरानि गुथालाव बुसोमजाबाय दिनै आं मिथिंगानि बान गैयै जाल्लायवाव । सुथुर दैथुननि केलेंकारि नारसोमनायाव, हायना मिथिंगा, बिदिन्थानि थिन्नायाव जिउआव दावदाबसे मिजिं थिबाय नोंखौनो मिथिंगानि आखुथायजों गोरोबलाना रिउ-रिउ सनानि दिइ जावलांनो जोनोमनि उनथार बै सोनाब फैसालिसिम । नाथाय.....बैसाग मासनि दै जावरिनायजों बुथार जालांबाय नों, जाय मिजिंक आनि बायग्रेब लांबाय जिउआसो आनि नोजोरनि हांमा जालांबाय ।

मुघ्रि आसिनाथ बसुमतारी पातगाव हाई स्कुल, कक्राझार (बि.टि.सि.) ।

(1 बिलाइनिफ्राय)

अपिएसखौ फिन लाफिन्नायनि दाबिआव एर्नपिएस आफादआ 1 फेब्रुवारिआव ' गोसोम सान ' फालिगोन

दिनै दैथाय हरनाय गांसे रदाब बिबुंसारव मख 'दोंदि, रइन्ज्यो सरकारनि मावसुमाफोरनि बिथिडव बाहायजानाय एर्नपिएसखौ फोजोबनानै अपिएसखौ फिन बोखांफिन्नायनि दाबियाव जों सोमावसारनायखौ मोनसे जोबोद गोनांथार थाखोआव सौहैदों । मख 'नो गोनांदि, बिबुंसारव बुंनाय जादोंदि, 14 डिसेम्बरआव दुलाराय आसाम जुनात फाहामथाय ओन्सोल हेफाजाबगिरि आफादनि मावखुलियाव खुंनाय आसामनि फोरोंगिरि-मावसुमा-मजदुर संघनि आफादागिरि, गाहाइ नेहाथारि, बिबानगिरि आरो थान्दैफोरनि नुजाथिफेनायाव खुंनाय जथुमाव बेनि सोमोन्दै गुवारे सावरयलायनाय जायो आरो अपिएसखौ फिन बाहायफिन्नांगौनि सोमावसारनायखौ गोख्रै खालामनो थाखाय मोनसे बिथांखि लानायखौ थियारि खालामनाय जादों । बे बिथांखिनि सिडव फोरोंगिरि-मावसुमा आरो मावफारियाफोर फेगौ 1 फेब्रुवारि अक्टखौ अरयबोनि थाखाय गोसोम सान महरै खुंनायनि थांखि लायो । रदाब बिबुंसारव आरोबाव बुंनाय जादोंदि, बे सानखालि सान्जौफुनि 12 रिगानिफ्राय 1 रिगासिम साफ्रोमबो फोरोंगिरि-मावसुमाफोरा गोसोम बेस गान्नानै गाव-गावसिनि खामानि मावनाय जायगायाव हेंथा सोमावसारगोन । लोगोसेनो साफ्रोमबो गाव-गावसिनि सशेल मिडिया (फेसबुक, एक्स हेन्डेल, इन्स्टाग्राम, व्हाट्सएफ बायदि) प्रफाइलआव “Black Day-#RestoreOPS ” लिस्नानै हेंथा सोमावसारगोन । दुलाराय आसाम सरकारनि एर्नपिएस मावसुमा आफादनि आफादगिरि अयुतानन्द हाज 'रिका आरो गाहाइ नेहाथारि उपबं शर्माआ रइन्ज्योनि मावसुमा समाजनि रैखाथिनि सार्थआव बे हाबाफारियाव आबुंङै हेफाजाब आरो बोसोन होनो थाखाय हांखायदों ।

गुरुदेब कालिचरण ब्रह्मनि जिउ खौरनि सायाव इंग्रजि रावजों बिजाव दिहनायनि

थाखाय ङ अजित बर निसिम साबायख र जासिदों नख रनि सोद्रोमाफोरा

गुरुदेब कालिचरण ब्रह्मनि नख रनि सोद्रोमाफोरा लिरगिरि ङ अजित बर निसिम साबायख र आरो गोजोन्नाय जासिदों । कक्राझार जिल्लानि पर्वतझर महकुमानि सिडव थानाय काजिगावनि गुरुधाम गामिनि थागिबि थामहिनबा गुरुदेब कालिचरण ब्रह्मनि नख रनि सोद्रोमा निरन्जन ब्रह्मआ ङ अजित बर निसिम साबायखर जासिनानै बुंदोंदि, ङ अजित बर नि लिस्नाय इंग्रजि रावनि गुरुदेबनि जिउ खौरं बिजाबआ जौनि रइजो आरो हादतनि गोरों गोरु साफ्रोमबो दैदेनगिरि गेदेमा सुबुंफोरनो गुरुदेबखौ मिबथि होनायनि मोनसे गिदिर आरो बाञ्जायथाव हाबा जादों । मानोन असमीया आरो बर ' रावजों गुरुदेबनि जिउ खौरं बिजाबआ गोबां दंसेब्लाबो इंग्रजि रावजों गैयाखौनो बुंजायो । जायनि थाखाय जौनि हादत आरो गुबुन हादतनि सुबुंफोरनो गुरुदेबखौ मिबथि होनायाव मोनसे गेदेर खहा जानानै दंमोन । बे खहाखौ ङ अजित बर'आ आबुं खालामजेनबाय । जों दिनै गुरुदेबनि फिल 'सपिखौ महाहरियारि आरो हारिमायारि थाखोआव लांनगौब्ला गुरुदेबनि जिउ खौरं बिजाबआ इंग्रजि आरो हिन्दी रावआव थाथारनांगो होन्नानै ङ अजित बर'नि बे हाबाखौ नुनानै गुबुन लिरगिरि बिथांमोनहाबो इंग्रजि आरो हिन्दी रावआव गुरुदेबनि जिउ खौरं लिस्नानै बिजाब महरै फोसावो बेनि थाखाय मिजिंथिनाय फोरमायनानै जोबनायाव ङ अजित बर'निसिम जिउनि गाहाम हामब्लायथि जासिहरबावदों गुरुदेब कालिचरणन ब्रह्मनि नख रनि सोद्रोमा निरन्जन ब्रह्मआ ।

गागि खौरंगिरि, लिरगिरि भुपेन गस्वामीआ

हार्ट एटेकजों मोगा-मोगि जादों

गुवाहाटी फाहामथाय फरायसालिमा फाहामसालिनि कार्डियल 'जि (बिखानि बेराम) बिफाननि आइसिइउआव गोख्रैनो थिसनजानो गोनां जादों । थानाय रबिबारखालि हरनिफ्राय हां लानायाव गोबां जेना गोनां मोन्दांथिनायनि उनाव गुवाहाटी फाहामथाय फरायसालिमानि बिखानि बेरामनि फाहामगिरिनि नायसंनयाव डा. हाफिजुर रहमाननि फाहामथाय होबाय थानायनि उनाव दिनै गागि खौरंगिरिखौ आइसिइउआव थिसन्याय जायो । बेनि सिगां 2024 माइथायनि 11 जुलाइयाव हरखाबै हां लानायाव जेना गोनां सोमजिनायनि थाखाय खौरंगिरिखौ गुवाहाटी फाहामथाय फरायसालिमानि बिखानि बेराम बिफाननि आइसिइउआव थिसन्याय जादोंमोन । जायनि उनाव बिथांखो 22 जुलाइयाव गोबाव साननाडै जिरायथ 'नायनि बोसोनजों फाहामगिरिफोरा न'आवनो थानानै फाहामथाय लाबाय थानो बोसोन होदोंमोन ।

सनितपुर जिल्ला एबसुनि 2025-26 बोसोरनि गोदान बिबानगिरिफोरा समायखिरा लाबाय

बिथांमोनखौ सायख'नाय जादों । सनितपुर जिल्ला दुलाराय बर' फरायसा आफाद लोगोसे सा-ढेकियाजुलि दख 'रा दुलाराय बर' फरायसा आफाद जुथाइयै गोदाने बिबान मोन्नाय बिबानगिरिफोरखौ लानानै ढेकियाजुलिनि सिडव थानाय सिंगिरिनि गुप्तेस्वर मन्दिरनि साखाथियाव थानाय फोथाराव दिनै समायखिरा लानाय हाबाफारि खुंनाय जायो । बे हाबाफारियाव बाहागो लायो दुलाराय बर' फरायसा आफादनि बोसोनगिरि खुंन्डा स्वर्गियारि, बुंथिगिरि अबित नाज्जारि, नेहाथारि बिरदाव बर' आरो सुबुं फोनांजाब नेहाथारि राजेस बसुमतारि बिथांमोना । लोगोसे बाहागो लाबावो सनितपुर जिल्ला बर' फोरोंगिरि गौथुमनि गाहाइ नेहाथारि सनेस्वर ब्रह्म बिथाड । एबसुनि संबिजित बायदिथै बारग' आफादगिरिआ गोदाने बिबान मोन्नाय आफादगिरिखौ समायखिरा लाहोयो आरो गोदान आफादगिरिआ गासै बिबानगिरिफोरखौ समायखिरा लाहोनाय जायो । गिबियाव सा-ढेकियाजुलि दख 'रा दुलाराय बर' फरायसा आफादनि गोदान बिबानगिरिफोरखौ समायखिरा लाहोनाय जायो । समायखिराखौ लाहोयो दख 'रा आफादनि बारग' आफादगिरि रादाय बसुमतारि बिथाड आरो जिल्लानि बिबानगिरिफोरखौ समायखिरा लाहोयो जिल्लानि बारग' आफादगिरि जित स्वर्गियारि बिथाड ।

म.सि.एल.ए. मन्तु बर'आ बेंगुरा सुबुंफोरनो ब्लेंकेट, तातसाल आरो जि सुथेग्रा आगजु रान्नानै होदों

होयो । दिनै बाक्सा जिल्लानि 22 नं कक्लाबारि बियाबनि सिडव थानाय अनचलि गोजौ फरायसालिनि गेलेग्रा फोथाराव 22 नं कक्लाबारि बियाबनि एम सि एल ए मन्तु बर'आ जालाह जौगाखां खोन्दोनि सार्केल अफिसार सैतजित निउग आरो गुबुन गुबुन बिफाननि अफिसारफोरनि नुजाथिनायाव गासै सा 360 बेंगुरा सुबुंफोरनो ब्लेंकेट रान्नानै होयो । बिसेरनि गेजेराव देहायारि जेना गोनां सुबुंब्लाबो जि दानो हानाय सानै बेंगुरा सुबुंफोरनो हिसान दाग्रा आगजुफोर आरो मेसिनारि जि सुथेग्रा आगजुबो रान्नानै होयो ।

उदालगुरियाव नेहरु लाइमोन मिरुनि हाबाफारियाव विटिसिनि बासा' बुंथिगिरि त्रिदीप दैमारीआ बाहागो लाफैदों

लोगोसेनो थानाय 17 जानुवारि अक्टनिफ्राय खुंबोबाय थानाय माहारियारि लामा रैखाथि सप्ताहनि थुंगेनाय हाबाफारिखौ खुंनाय जादों । मोनैबो हाबाफारिखौ लोब्बा लानानै त्रिदिप दैमारीआ बुंदोंदि, गिबि खेबनि थाखाय नेताजीनि खामानि मावनाय सिबिथाय आरो गोदान जोलैखौ गावनि हादत सिबिथायनि सान्नायखौ गोसो गोर्बोआव लानानै हादत सिबिथायाव नांथाबनो खावलायदों । लोगोसे जायखि जाया रोखोमनि गारि सालायोब्ला मटर-गारि आइनखौ आबुंङै मानिना सोलिनो खावलायदों । जर'खायै हेल्मेट गान्नाय, जौ लौनानै गारि सालायनाय, सिट बेल्ट गान्नाय, जोबोद गोख्रैथिजों गारि सालायै बायदि आयदानि सायाव सांग्रांथियारि बिबुंथि लाखिदों । बेनि उनावनो उदालगुरिनि लिटल वाल्ड इंग्रजी फरायसालिनि फरायसाफोरा बर्नगावनि चकआव सालायगिरि आरो दावबायारिफोरनि गेजेराव लामा रैखाथिखौ मानिना सोलिनो सांग्रांथियारि हाबाफारि आजावना लादों । बे बिथिडव उदालगुरि ट्राफिक पुलिसआबो हेफाजाब होदों आरो हेल्मेट, सिट बेल्ट गानै, जोबोद गोख्रैथिजों गारि सालायनाय आरो दावबायारिफोरखौ गावसोरनि रैखाथिनि सार्थआव गारि-मटर आइनखौ मानिना सोलिनो खावलायदों ।

कक्राझारआव माहारियारि हिन्जावसा गथ 'सा सान फालिदों

नानानै जुथायै फालिनाय जादों । हिन्जावसाफोरनि गोहोखौ बांहोनायनि थाखाय गुबुन गुबुन बिथांखिफोरनि गेजेरजों सांग्रांथि लाबोनाय आरो बेटी बाचाउ बेटी पढ़ाओ बिथांखिआ 10 बोसोर आबुं जानायनि लोब्बा लाखिनानै बे हाबाफारिखौ लानाय जादों । दिनैनि बे माहारियारि हिन्जावसा गथ 'सा सान फालिनाय हाबाफारिखौ कक्राझारनि उफ्रा जिल्ला बेंगिरि कभिता देका, उफ्रा एसपि, डिटिअ, डिएलएसएनि थान्दैफोर, एएसआरएलएम आरो इन्डियान पस्टेल साभिसनि मावफारियाफोरनि नुजाथिनायाव कक्राझारनि जिल्ला बेंगिरि माचान्दा पार्तिनआ बेखेवनानै होदों । हिन्जावसाफोरनि सावस्त्रि, साखोन-सिखोन आरो गोहो बांहोनायनि सायाव दिनैनि बे हाबाफारिनि गेजेरजों सांग्रांथि होनाय जादों । सावस्त्रि मिरुआरि हाबाफारिफोराव हिन्जावसाफोरनि थाखाय इनिमिया स्क्रूनिं आरो हाथाइनि आन्जाद नायनाय, लोगोसे दानआरि साखोन-सिखोनखौ बांहोनो थानाय सेनेतारि पेड रान्नायबो जादों । बेजों लोगोसेनो भारतीय लाइजाम क' सिबिथाइ, किस्वरि सिबिका हान्जा दानाय आरो सुकन्या समृद्धि यजनानि सायावबो सांग्रांथि मेल जथुमनायनि गेजेरजों आधार कार्डनि मुं थिसन्यायनि हाबाफारिबो लानाय जादों । बेनि अनगायैबो आसाम राइन्ज्यो गामिआरि जिउ राहा मिसननि सिडव गाव हेफाजाब हान्जा दिहुन्थायफोरनि मोनसे दिन्थिफुंन्याय जेरै- मैगं-थाइगं, मैखुन दिहुन्थाइ, दोरोडारि बर'नि गान्नाय-जोमनाय आरो जायगाआरि जाग्रा बेसादफोरखौ दिन्थिफुंन्याय जादों ।

कक्राझारनि बिसमुरि धनपुरआव बिर बुधु भगतनि

233थि जोनोम सान फालिनो साखा-फारा

आफादनि मावखुलिखौ मैया बेखेवनाय जायो । दुलाराय कुरुक साहित्य सभा, दुलाराय कुरुक फरायसा आफाद आरो पादा पारहा आसामनि जुथायै बान्जायनायाव साननैनि मेहेरगोनां हाबाफारिजों खुंनाय जागोन उदांसि दावहारु बुधु भगतनि जोनोम सानखौ । बान्जाय आफादनि मावफुं आफादगिरि रबार्ट खेरखेताआ फोरमायनाय बायदिब्ला, साननैनि हाबाफारि खुंनो लानाय बे जोनोम सान फालिनाय हाबाफारियाव कक्राझार जिल्लाजों लोगोसे गुबुन गुबुन जिल्लानिफ्राय खमैबो 3,000 नि बांसिन उराव आरो आदिबासि सुबुंफोरा बाहागो लाफैगोन । बे जोनोम सान फालिनायनि लोब्बायैनो उराव एबा आदिबासि हारिनिफ्रायबोदि, हादत उदांसिनि दावहारु दंमोन बेनि बागै इथुन जोलैफोरनो मिबथि होगोन । लोगोसे बे हाबाफारिनि गेजेरजोंनो उराव आरो आदिबासि हारिफोरनि राव, थुनलाइ आरो हारिमुनि सायावबो सावरयलायनाय जागोन । बे हाबाफारियाव गाहाइ आलासि महरै बिटिआरनि गाहाइ मावफुं सोद्रोमा प्रमद बर'जों लोगोसे माननि आलासि महरै सान्जा कक्राझार बिधान सभा बियाबनि एमएलए लरेन्स इस्लारि आरो बिटिआरनि मावफुं सोद्रोमाफोरखौ हांखायनाय जागोन होन्नानै फोरमायो बान्जाय आफादनि मावफुं आफादगिरि रबार्ट खेरखेताआ ।

राइमना माहारियारि पार्कनि साखाथि गामिफोराव जिब-जुनात थिका थुनाय हाबाफारि बान्जायदों

बर', नाजरुल इस्लाममोनहा बाहागो लादों । बे जिब-जुनात थिखा थुनाय हाबाफारिखौ हाग्रा बिफान,वाइल्ड लाइफ ट्रान्स्ट इन्डिया आरो आसामनि जिब-जुनात फोनांजाब बिफाननि बान्जायनायाव जुथायै लानाय जादों । बे हाबाफारिनि लोब्बायै डा: दावहारु बर'आ हाग्रानि जिब-जुनातफोरखौ गोहोम खोख्लैनो हाथाव बेरामफोरनि गोसासनायखौ होबथानो थाखाय बे ओन्सोलआव थिका थुनायनि गोनांथिखौ मिबथि होदों । हाबाफारियावनो डा: पंकज चक्रभर्तिआ बुंदोंदि, बेबायदि थिका थुनाया हाग्रानि खाथि-खाला गामिफोरनि नख र'आव फिसिग्रा जिब-जुनातफोरनि थाखाय गोनांथि दड; बेबायदि थिका थुनाय हाबाफारिफोरखौ जिब-जुनातफोरनि थाखाय नेमबायदिथै सावस्त्रि बिजिनयनि थाखाय बोसोफ्रोमबो खुंनगौ होन्नानै फोरमायो डा: पंकज चक्रभर्तिआ । दिनै गिबि सानआवनो गासै मा 300 नि बांसिन मोसौफोरखौ एफएमडि थिका थुनाय जादों । दिनैनि बे थिका थुनाय हाबाफारिखौ राइमना माहारियारि पार्कनि कचुगाव खोन्दोनि डिएफअ भानु सिन्हाआ दैदेन्दोमोन ।

(1 बिलाइनिफ्राय)

जापाननि गोजौ थाखोनि मुलुगसोलोंसालिनि थान्दैफोरजों गिबि मन्थि ङ हिमन्त बिश्व शर्माआ सावरायलायदों

गेजेरजों आसामनि मुलुगसोलोंसालिफोरजों सोमोन्दो सोनजिनयनि थांखि लानानै जापाननि गोजौ थाखोनि मुलुगसोलोंसालिफोरनि थान्दैफोरजों टकिय'आव मोनसे जथुम खुंदों । जथुमाव गिबि मन्थिआ आसाम आरो हादतनि गुबुन गुबुन ओन्सोलनिफ्राय फेनाय फरायसाफोरनो बांसिनथारै सोलोंथायनि खाबु होनायजों लोगोसे आसामनि फरायसाफोर जाहाथे जापाननि मुलुगसोलोंसालियाव सोलोंथाय लानायनि बिथिडव मोजां लामा मोनो बेनि सोमोन्दे सावरयलायो । बेनि सिगां गिबि मन्थिआ दिनै जापाननि गुबुन हादत पक्रिमा बिफाननि पार्लियामेन्टारि लेडाइ मन्थि आकिंक इकुइनाखौ लोगो हमनानै आसाम आरो जापानखौ लानानै बायदि आयदानि सायाव सावरयलायो । मख'नो गोनांदि, जापाननि पार्लियामेन्टारि लेडाइ मन्थि इकुइनाआ आसामनि हारिसुनि फारसे गावनि मान आरो अन्सायनाय फोरमायनानै गिबि मन्थि ङ शर्माखौ असमीया रावआवनो मान बाडवो । बे लोगो हमलायनायाव रेंगौथि गोनां मावफारियानि गोनांथि आरो खोन्दोफोराव आसाम आरो जापाननि हेफाजाब, लाइमोन समाजनि थाखाय आथिखालावबो खाबु थानाय आरो खाबुफोरनि सोमोन्दै गिबि मन्थि ङ शर्माआ जापाननि गुबुन हादत पक्रिमा बिफाननि पार्लियामेन्टारि लेडाइ मन्थिजों सावरयलायो । जथुमाव जापाननि पार्लियामेन्टारि लेडाइ मन्थि आकिंक इकुइनाआ गिबि मन्थि ङ शर्माखौ जापान सरकारनि भारत आरो जर'खायै आसामनि लाइमोन आरोव रेंगौथि गोनां खामानि मावना दिन्थिनाय गोहोखौ जापानआव खाबु होनायनि सोमोन्दै रोखायै फोरमायना होयो । गिबि मन्थि ङ शर्माआ जथुमाव गाहाइ मन्थि नरेन्द्र मदिनि भारत आरो जापाननि गेजेराव मोनसे गोख्रौ लोगोआरि बिथिडव नोजोर थानायनि बाथ्राखौ मख 'नानै बुंदोंदि, दरनैबो हादतनि गेजेराव गावजों गाव लोगोआरि सोमोन्दोआ हादत दरनैनि सरसनस्त्रा सुबुंफोरनि जिउ जौगाखानाया हेफाजाब गोनां जागोन । मख 'नो गोनांदि, आथिखालनि बे जापान दावबायनाय समाव गिबि मन्थि ङ शर्माआ आसाम आरो जापाननि गेजेराव सोमोन्दोखौ गोख्रौ खालामनानै गावजों गाव मुलाम्फा जानायनि थांखिजों हादतनि माखासे मन्थि आरो उद्यग खोन्दोनि गोजौ थाखोनि सुबुंफोरजों माखासे खेब जथुम खुंदों । बिथाड तयट मटर कपरसननि गोजौ थाखोनि बिबानगिरि टेरुथि हामान ' आरो फसंथाननि माखासे बिबानगिरिफोरजों मोनसे जथुम खुंनानै आसामाव फसंथाननि सिडव थानाय मोनसे सोमोन्दो गोनां हान्जा गायसन्नाय जाथावनानि सोमोन्दै सावरयलायो । बे लोगो हमलायनाय समाव तयटआ गथायबाय थानाय रेंगौथि हाबाफारिफोरखौ आसामनि गुबुन फसंथानफोरसिम फेहेरनो गिबि मन्थिआ खावलायो । गिबि मन्थिआ दिनै जापाननि गुबुन मोनसे गेदेत चिप दिहुनग्रा कम्पानी टकिय' इलेक्ट्रनि मावफुं लेडाइ आफादगिरि टकेसि आकुब'जोंबो दिनै मोनसे जथुम खुंदों । मख 'नो गोनांदि, सेमिकन्डाक्टर जगायथाय चैनआव मोनसे गोनांथार बिफाव आजावनाय बे कम्पानीखौ चिप दिहुनग्रा आइजें-आइलाफोरनि मडेल थियारि खालामनायाव रेंगौथि गोनां । गिबि मन्थिआ फसंथानखौ आसामजों बाहागोदारि जानो हांखाययो । जागिरडआव गायसनजानो गोनां इलेक्ट्रनि सिटिआव सेमिकन्डाक्टर इकसिस्टेमनि मोनसे गाहाइ मिरु महरै सोरजिनो राइन्ज्यो सरकारआ थांखिखौ थि खालामदों होन्नानैबो गिबि मन्थिआ जथुमाव मख 'दों । जापान दावबायनाय समाव गिबि मन्थिआ दिनै इन्भेष्टि रंखाथियारि सुफुंन्याय आरो क्रेडिट खाबु होनायनि बिथिडव रेंगौथि थानायनि थाखाय मिबथिजानाय मिजुह सिफिकडरिटिस इन्डियायनि गाहाइ मावफुं बिबानगिरि टकाव हसयाजोंबो मोनसे गोनांथार जथुम खुंदों । बे जथुमाव आसामनि कम्पानीनो क्रेडिट-लिंकेश फेहेरनाय आरो जापानी कम्पानीखौ आसामाव इन्भेस्टमेन्टनि लांश्रियै रोखा खालामनायनि सोमोन्दै सावलायलायनाय जायो । गिबि मन्थिआ फसंथानखौ आसामनि थाखाय बिथांखि लानायखौ रोखा खालामनो एडभान्टेज आसाम 2.0 आव बाहागो लाफैनो हांखायदों । गिबि मन्थिआ दिनै गोजौ थाखोनि जापानी मोब्लिब इन्जिनियार फसंथान यकगावनि लेडाइ आफादगिरि यशियाकि आसाकुरजोंबो मोनसे जथुम खुंदों । जथुमाव आसामाव फसंथाननि आथिखालाव रंखाथि बिथाखौ फेहेरनाय आरो गुबुन गुबुन खाबुनि सोमोन्दै सावरयलायनाय जायो । गिबि मन्थिआ फसंथानखौ आसामनि बांसिनथारै मोब्लिब आरो गोहो खोन्दोआव हेफाजाब होनोबो खावलायो । गुबुन फारसे आसामसिम जापाननि इन्भेस्टमेन्टखौ मोजां मोनहोनायनि नाजाया बांसिनथारै गोनांथि होनायनि थाखाय गिबि मन्थिआ जापान इन्टारनेसनेल कपरेशन एजेन्सिनि गागि लेडाइ आपादगिरि हारा सहेइजोंबो सावरयलायो । बे जथुमाव गिबि मन्थिआ आसाम सरकारआ जाइका आरो जापान एक्सटारनेल ट्रेड अर्गेनाइजेसनजों बाहागोदारि जानानै जापाननि फसंथानफोरनि थाखाय मोनसे जर'खा उद्यगआरि पार्क गायसन्नायनि बिथिडव गोसो जानायनि बाथ्राखौ मिबथिहोयो ।

एमएलए लरेन्स इस्लारिआ सानसेआवनो गं 8 मडेल अंगनवादि मिरु लुफुंन्यायनि अन्थाइ खाम्फा गायसन्दों

बेनिनो दिनै सानसेनि गेजेराव एमएलए लरेन्स इस्लारिआ गावनि बियाबनि सिडव थानाय गुबुन गुबुन जायगायाव गासै गं 8 मडेल अंगनवादि मिरु लुफुंन्यायनि अन्थाइ खाम्फा गायसनदों । कक्राझार जिल्लानि सिडव थानाय थामहिनबा गावनि बियाबनि बेंखनाव थानाय गुबुन गुबुन जायगाफोर जेरै-हालवादल भि.चि.डि.चिनि सिडव थानाय बर'सिनमारि, गेनद्राबिल भि.चि.डि.चिनि सिडव थानाय कातिगासा गामि, गेन्द्राबिल भि.चि.डि.चिनिनो सिडव थानाय बान्दरमुरि गामि आरो हरिनागुरि गुदि फरायसालिखौ लाफानानै गासै मोन 8 जायगाफोराव गं 8 मडेल अंगनवादि मिरु लुफुंन्यायनि थाखाय अन्थाइ खाम्फा गायसनो एमएलए लरेन्स इस्लारिआ । बेनि अनगायैबो दिनैनि सानआवनो एमएलए लरेन्स इस्लारिआ कक्राझार जिल्लानि सिडव थानाय दालवाबारिआव गोदानै लुफुंजानाय दालवाबारि गेजेर फरायसालिनि बिल्डिं आरो आसाम दर्शन बिथांखिनि गेजेरजों लुफुंजानाय गंसे बाथौ थानसालिखौबो बेखेवनानै होयो । गुदि सोलेंथाइ खोन्दोखौ फोजौखानायनि थाखाय गावनि बियाबनि सिडव गिबि खोलोब हिसाबै गं 20 अंगनवादि मिरु लुफुंन्याय होनो मोन्नायखौ गोजोन्नाय फोरमायनायजों लोगोसे गुबुन नैथि खोलोब हिसाबै गावनि बियाबआव गासै गं 40 मडेल अंगनवादि मिरु लुफुंन्याय जागोन होन्नानै फोरमायबावो । दिनैनि बे अन्थाइ खाम्फा गायसननाय हाबाफारियाव कक्राझार जौगाखां खोन्दोनि भिडिअ, इडपिएल दोलोनि दैदेनगिरिफोर आरो गुबुन गुबुन बिफाननि मावख 'गिरिफोरा बाहागो लाफैदोंमोन ।

दुलाराय बर' फरायसा आफादनि 57थि बोसोरसालिया जथुम्माया 13, 14, 15 आरो 16 मार्चआव खुंजागोन

मिरु एबसुनि बे 57थि बोसोर सालिया जथुम्माया दतमानि बड'फा फोथाराव फेगौ मार्च दाननि 13, 14, 15 आरो 16 अक्टखालि सानब्रैनि मेहेरगोनां हाबाफारिजों खुंफुंजासिगोन । जथुम्मा खुंगोन जायगाखौ मिरु एबसुनि दैदेनगिरिफोर फारियै- लेडाइ आफादगिरि खोरमेदाव औवारि, गाहाइ नेहाथारि खनिन्द्र बसुमतारिजों लोगोसे कक्राझार जिल्ला एबसुनि बिबानगिरिफोरा थानाय सानखालि नायगिदिहैनानै थागथियारि खालामनायनि खामानिखौ जागायदों । बेराफसै बे बोसोर सालिया जथुम्मानि लोब्बायैनो मोनसे दिन्थिफुंसालि खालामनायनिबो थांखि लानाय जादों । जेराव बर'नि दोरोडारि गान्नाय-जोमनाय एबा हेन्डलुमजों सोमोन्दो थानाय गलाफेरा बे दिन्थिफुंसालियाव बाहागो लानो हागोन । दिनै 57थि बोसोरसालिया जथुम्मानि दिन्थिफुंसालि दालाइ आफादआ मोनसे खौरंगिरि मेल खुंनायनि गेजेरजों बे जथुम्मानि दिन्थिफुंसालियाव बाहागो लानो गोसो गुदुंफोरनिसिम खावलायहरदोंदि, जायफेर बिथांमोनहा बे बोसोर सालिया जथुम्मानि दिन्थिफुंसालियाव बाहागो लानो एबा गला फरसंनो गोसो दड'बिथांमोनहा दिनैनिफ्रायनो जायगा दखल खालामनो थाखाय बान्जाय आफादआव मुं थिसननो हासिगोन । बेनिखायनो जायफेर बाहागो लानो गोसो बिथांमोनहा दिन्थिफुंसालि दालाइ आफादनि मावखुलियाव थोंजोडै फैनानै खौरं लाफैनो हागोन । नडब्ला दिन्थिफुंसालियाव बाहागो लानायनि मुं थिसननो थाखाय 9101832655 आरो 8136048212 मबाइल नम्बरआव फोनांजाब खालामनो हागोन होन्नानै खौरं मेलनि गेजेरजों फोरमायदों दिन्थिफुंसालि दालाइ आफादनि बिबानगिरिफोरा । मख'ना जायोदि, मिरु दुलाराय बर' फरायसा आफादनि 57थि बोसोर सालिया जथुम्मा खुंनायजों लोगोसेथेनो कक्राझार जिल्ला दुलाराय बर' फरायसा आफादनि 56थि बोसोरसालिया जथुम्माखौबो जुथायै खुंनाय जागोन ।

गाहाम देहानि राहा

गोथां मैथुआ जरायाव साखांनाय आरो नोर्जिया हाराफोरनि थाखाय मुलाम्फा गोनां

गोजां बोथोरनि समाव सम सम मोदोमनि जराफोराव जाखांनाय जेंनाया बांनो हम्पो। बेबादि थासारिआव जराफोराव साखांनाय जेंनाजो भुगिनांदोब्ला गोथां मैथुखो डाइट प्लानआव सोफायोब्ला गोबां मुलाम्फा मोनो हागौ। मानोना गोथां मैथुआव एन्टि अक्सिडेन्स, भिटामिन ए, बि, सि, इ, के आरो केलिसयामनि बिबांखौ गोबाडे मोन्याय जायो। गोथां मैथुआ जौनि मोदोम आरो बेगेंनि थासारिखौ गोखोसिन आरो साबसिन खालामो। जेराव गोथां मैथुआव मोन्याय थादेसाफोरनि थाखाय बेखौ नेमखांन्थ बादिथै जायोब्ला जराफोराव साखांनाय जेंनानिफ्राय रेहाय मोनगोन। गोथां मैथुआव केलिसयामनि बिबांखौ गोबां मोन्याय जायो। जाउनाव बेयो जौनि हाराफोरखौ गोखो खालामो। बेनि अनगायैबो



गोथां मैथुआ लिरथाय खमायनायनि थाखायबो मुलाम्फा गोनां। लिरथायखौ खमायनो नाजादोब्ला बेखौ जानाया मुलाम्फा गोनां। मानोना गोथां मैथुआ एसेल'केलरि गोनां जानायनि थाखाय बेखौ जायोब्ला लिरथाया खमायनो हम्पो। डायबेटिच बेरामआव गोरलैनाय सुबुंफोराबो गोथां मैथु फिथाइखौ जानो हायो। मुदुम्पुल फिथाइआव मोन्याय थादेरसाफोरा बिबुनि

जेंनाखौबो साबसिन खालामो। गोबां बिबांनि फाइबर थायाय मैथु फिथाइखौ जायोब्ला बिबुजो सोमोन्दो थायाय माखासे जेंनाफोरा जायखारो। अभारअल बुंनो थाडेब्ला मैथु फिथाइआ जौनि देहानि थाखाय मुलाम्फा गोनां। बेनि थाखाय मोनसे थिखानाय बिबाडवल' मैथु फिथाइखौ जानो नांगौ। मानोना बांन्याय जायोब्ला मुलाम्फानि सोलायै खहाजोसो मोगा-मोगि जानानो हागौ।

मुंदांखा भिलेन प्रेमनाथआ मधुबालानि गिबि मोजां मोन्यायमोन

बिलिउडनि जारिभिनाव माखासे ओरैबायदि लाभ स्टरिफोर दं, जाय मोनसे सावथुननि सल'फोर बायदिनो मुजिथावना। बलिउडनि मल्लिकाए-हुस्न मधुबाला आरो फावखुंगुर प्रेमनाथनि लाभ स्टरिआबो बिबिदोमोन। भारतीय सिनेमानि बयनिखुइ समायनासिन फावखुंगुरि होनानै मिबथि जानाय मधुबालाया मोनसे समाव मुंदांखा भिलेन प्रेम नाथनि थाखाय बोदोर जायोमोन। गोबां सुबुंफोरानो मिबथियादि, दिलिप कुमार आरो किशर कुमरनि सिगां मधुबालाया प्रेम नाथनि थाखाय बोदोर जायोमोन। प्रेम नाथआबो मधुबालाखौ जोबोद मोजां मोनोमोन, नाथाय सानैनि सोमोन्दोआ गोबाव समसिम सोलियाखैमोन। सानैजो थाबैनो गावस्त्रालायदोमोन। प्रेम नाथ आरो मधुबालानि मोजां मोनलायनायनि सल'आ आस'खान्दा जाना थालाडे। अदेबानि रावबो मिबथिस्त्रालाखै। उनाव फिल्म फेयारनो होनाय गावनि गोजाम



इन्टारभिउआव प्रेम नाथनि फिसाज्जा मन्टिआ बे लाभ स्टरिनि सायाव फोरमायदोमोन। मधुबालाया जेब्ला हिन्दी सावथुननि मुलुगाव आगान होफैजेन्दोमोन, बे समनिफ्रायनो बिथानि समायना महरनि फारसे गोसारनो हम्पोमोन। बलिउडनि फावखुंगुर आरो डायरेक्टरआ मधुबालानि

समायना महरनि थाखाय बोदोर जायोमोन। बे लिस्टआव फावखुंगुर प्रेम नाथनि मुंआबो फेयो। सानैजो जयै गासै मोन 4 सावथुनफोराव खामानि मावदो। 1951 माइथायाव 'बादल' सावथुननि शुटिनि गेजेरजो सानैनि गेजेराव गोथौ सोमोन्दो थादोमोन। मधुबालानि बिनानाव मधुर

भुषनआबो मधुबाला आरो प्रेम नाथनि लाभस्टरिनि सोमोन्दै मोनसे इन्टारभिउआव फोरमायदोमोन। बिथाड मिबथि होदोमोनदि, मधुबालाआ प्रेम नाथखौ प्रपज खालामदोमोन। बेयो 1951 माइथायनि बाथामोन। जेब्ला 'बादल' सावथुनाव मधुबालाया प्रेम नाथजो लोगोसे खामानि

मावबाय थादोमोन अब्ला शुटिनि गिबि सानावनो मधुबालाआ प्रेम नाथनि मेकआप रुमआव हाबनानै बिथांखो प्रपज खालामदोमोन। बिथांआ फावखुंगुरखौ लाभ लेटार आरो बिबार होनानै प्रपज खालामदोमोन। प्रेम नाथआ बुजिस' हायाखैमोन जे मा जागासिनो दं, बेनिखायनो बिथांआ गोमो हाबदोमोन। मधुबालाया लेटारआव लिरदोमोनदि, जुदि नौथांआ आंखौ मोजां मोनोब्ला, अनानै बे गुलापनि बिबारखौ गनायना ला। जुदि मोजां मोनाब्ला बिबारखौ हरफिन। लेटरखौ फरायनानै प्रेम नाथआ जोबोद गोमोहाबदोमोन जे बुहुमनि बयनिखुइ समायनासिन आइजोआ गावखौ प्रपज खालामदो। बिथांआ खुसि-खुसि मधुबालानि प्रपजेलखौ गनायो।

सारा आलि खानजो डेटिं खालामनाय रिउमार्स जानाय अर्जुन प्रताप बाजवाआ रिएक्सन होदो

बि-टाउननि बाब्लि फावखुंगुरि होनानै गाबजिजानाय सारा आलि खाननि मुड डेटिं रिउमार्सखौ लानानै सानफ्रोमबो खौरांआव थायो। माब्लाब बिथानि मुड कार्कि आर्यानजो गोसारदो, माब्लाबा गावनि बेस्ट फ्रेन्ट जहान हान्डाजो डेट खालामनायनि थाखाय साराआ लाइम लाइटाव थादो। अदेबानि, आधिखालाव सावथुन मुलुगआव खोनानो मोन्दोदि, साराआ सासे फावखुंगुरजो डेट खालामनायनो दं, जायजो लोगोसे बिथाडा केदारनाथ मन्दिरआवबो थादोमोन। सारा आलि खानआ जेब्लायबो केदारनाथ मन्दिरआव आर'ज गावनो थाखाय थाडे। अदेबानि, थांनाय बोसोरनि अक्टबर दानआव बिथांखौ सासे बलिउडनि फावखुंगुरजो लोगोसे स्पट खालामनाय जादोमोन। जौ जाय फावखुंगुरनि बाथ्रा सावरायदो बिथानि मुडनो जादो अर्जुन



प्रताप बाजवा। अर्जुन आरो साराखौ जयै केदारनाथनि दर्शन खालामहैनाय नुनानै फाफ्रोमबो बिथांमोनखौ डेटिं खालामदो होन्ना हम्पोमोन। बबेखानि, अर्जुनआ आधिखालाव साराजो डेट खालामनाय बानसावनाय खौरांफोरनि सायाव रिएक्सन होदो। भरिन्दर चावलानो होनाय मोनसे इन्टारभिउआव अर्जुन बाजवाआ लेटेस्ट रिउमार्सखौ लानानै गावनि रिएक्सन होदो। बिथाडा बुडोदि, गावसिन

प्रफेशनेल केरियारआव लेटेस्ट गसिपखौ गोहोम गोलै होया। अर्जुन बाजवाआ साराजो लोगोसे गावनि डेटिं रिउमार्सखौ नंखाय होन्ना नै मिबथि होनायजो लोगोसे बुडोदि, 'सुबुंफोरा जेखौ लिरनो गोसो जादो बेखौ लिरखागोनानो, मानोना बेनो बिथांमोननि खामानि। आं खालि आनि सायावल' नांथाबगासिनो दं। राजखान्थिजो सोमोन्दो लाखिग्रा अर्जुन बाजवाआ मुंदांखा

देंदेनिगिरि फतेह ज सिंह बाजवानि फिसाज्जा। राजखान्थिखौ नागारनानै अर्जुनआ मडेलिं आरो एक्टिआव गावनि केरियारखौ बानायदो। बिथाड 'बेन्ड अफ महाराज' सावथुनाव नुजाथिखांबाय। बेनि अनगायै फावखुंगुरआ 'सिंह इज ब्रिं' सावथुनाव एप्सिस्टेन्ट डायरेक्टर हिसाबे खामानिबो मावदोमोन आरो बिथाडा एमएमए फाइटरखो।

जास्टिन बिबरआ हेलिखौ इनस्टाग्रामआव आन फल' खालामनाय खौरांनि सायाव फिन्जाथाइ होदो



जास्टिन बिबरआ बावैसो बानसावनाय खौरांफोरनि सोमोन्दै रोखा खालामोदि, बिथाड इनस्टाग्रामआव गावनि बिसि हेलिखौ बिबरखौ आलफल' खालामबाय। देंखोगिरिया बेनि सोमोन्दै लिरोदि, सोरबा सुबुंआ आनि एकाउन्टआव थांनानै आनि बिसिखौ आनफल'

खालामहैदो। 2018 माइथायाव जुलिन रदाय खानाय बेज'रआ लांन्थियै गसिपनि जाहोनाव गावसिन सोमोन्दोनि नुथाइखौ अनलाइन शेयार खालामबाय थायो। बावैसो सिगां जास्टिनआ गोजां बोथोरनि सावगारिफोरा परस्ट खालामदो। गुबुन मोनसे इनस्टाग्राम सल'आव बिथाड हेलिखौ बुडोदि, आंनाव सासे

गेदेर आइजो दं आरो बिखौ आं मिबथिना लागोन। बे जरानि सोमोन्दोनि खौरांआ गोदान नड। हेलिआ डिसेम्बर 2024 आव अनलाइन बाथ्रा सावययनायखौ सोमोन्दो लाखिनानै मोनसे भाइरेल जानाय टिकटकरखौ बे केप्सनजो लोगोसे रिपस्ट खालामदो। बिथाड सोलिबाय थायाय बानसावनायखौ रिएक्सन

होनानै बुडोदि, 'इन्टरेल बाहायग्रा बयबो सुबुंफोरखौ आधिखालाव गोसास्ताय नंखाय खौरांफोरखौ सैथो होन्ना गनायना लानाड होनानैबो खालायो। बिबर्सआ 23 आगस्ट 2024 आव गावनि गिबि गथ' जेक ब्लुज बिबरखौ बरायदो। जास्टिनआ गावनि जोनोम जागोदान गथ'नि फिसा आधिखौ हम्पानै हेलिनि आखायाव दोनानै मोनसे गोसो बोनो हाथाव सावगारिजो लोगोसे बे खौरांखौ फोसावदोमोन। गावसिन जुलिखौ लानानै बानसावनाय खौरां गोसारनायनि, जाउनावबो बे ज'रया टेन्सन फ्रिआव दड। बिथांमोनहा लानन्थियै डिभर्स लानायनि बानसावनाय खौरांखौ खोनानानै मिनियो।

'अनुजा' सुंद' सावथुना 97 थि अस्कार बान्थानि थाखाय नमिनेट खालाम जादो

बिथोनगिरि सुभाष घाइनि 80 थि जोनोम सानाव बिथांनि केरियारनि माखासे बाथ्रा फोसावदो



बलिउडआव बयनिखुइ बांसिन हिट सावथुनफोर होनो हानाय डाइरेक्टरफोरनि मादाव गिबिसिमाव सुभाष घाइनि मुडनो फेयो। बिथाड सावथुन मुलुगनिफ्राय नायगिरिफोरनो ओरैबायदि माखासे समायना आरो गोसोआव थाथाव ब्लकबास्टर सावथुनफोर होदो, जायखौ नायनायनि उनाव गोदोनि समफोरखौ गोसोखानाय जायो आरो सानफलाडे जे फिन खुनसेबाव बै समाव थांफिनो हायोमोनब्ला होन्ना। बिथांनि बांसिन सावथुनफोरानो रेक'र्ड सिमफायनो हानाय रां

आरजिदो। दिनै जौ बिथांनि बे बायदिनो माखासे हिट जानाय सावथुनफोरनि सोमोन्दै मिबथि होनो नागिरिदो, जायखौ दिनैसिमबो नायनो जिरायोब्लाबो गोसोआ थोया थोया मोनो नायबाय थानो लुबैयो। सुभाष घाइ बिथांखौ राज कापुरनि उनाव हिन्दी सिनेमानि नैथि 'स्वमेन' बुंनाय जायो। 24 जानुवारी, 1045 माइथायाव जोनोम जानाय सुभाष घाइ 55 बोसोरआव ओरैबायदि सल'फोर बानायदो, जेराव इमरान, मिउजिक, ड्रामा आरो समायना सिनफोरखौ नुनो मोनो। बिथांनि सावथुनफोरखौ सुबुंफोरा गोबां अन्साइदो।

दिल्लीनि सायाव बानायनाय सुंद' सावथुन अनुजा' खौ 97 थि अस्कार बान्थायाव 'लाइभ एक्सन शर्ट' केटेगरियाव नमिनेट खालामनाय जादो। एडम जे ग्रेब्स आरो सुमित्रा मट्टुइनि गेजेरजो डायरेक्सन खालामजानाय 'अनुजा' शर्ट फिल्मआ ए लिन, आइ एम नट ए रबट, दा लास्ट रेन्जार आरो दा मेन हु कुड नट रिमेन साइलेन्टजो बादायलायगोन। 'अनुजा' सावथुना 9 बोसोर बैसोनि

दिल्लीनि सायाव बानायनाय सुंद' सावथुन अनुजा' खौ 97 थि अस्कार बान्थायाव 'लाइभ एक्सन शर्ट' केटेगरियाव नमिनेट खालामनाय जादो। एडम जे ग्रेब्स आरो सुमित्रा मट्टुइनि गेजेरजो डायरेक्सन खालामजानाय 'अनुजा' शर्ट फिल्मआ ए लिन, आइ एम नट ए रबट, दा लास्ट रेन्जार आरो दा मेन हु कुड नट रिमेन साइलेन्टजो बादायलायगोन। 'अनुजा' सावथुना 9 बोसोर बैसोनि



हिन्जावसा अनुजानि सल' जायहा गावनि बिब'जो लोगोसे सोलौंथाइ आरो फेक्टरीआव खामानि मावनाय बे मोनैनि गेजेराव मोनसेखौ सायख'नो

गोनां जायो। बेयो मोनसे ओरैबायदि थांखि, जाय सानैनिबो इयुनखौ मोगथां महर होगोन। सावथुनाव सजदा पटान आरो अनन्या शानबागआ गाहाइ

फावआव दं। बेखौ सलाम बालक ट्रास्ट (एसबिटि) नि हेफाजावजो बानायनाय जादो। बेयो बैनो जाय सावथुन दिहुनग्रा मिरा नायनि नख'रनि गेजेरजो लामायाव थाग्राफोर आरो खामानि मावग्रा गथ'फोरनि थाखाय खामानि मावग्रा मोनसे मुलाम्फा गौजायै फस'थान। लोगोसेनो शाइन ग्लबेल आरो कृष्ण नाइक फिल्मसआबो बेवहाय दंफायो। बावैसो सिगां प्रियंका चप्रा जनासआ बेजो एक्सिकिउटिव प्रडिउसर महरै


लोगो लाफादो। 'अनुजा' नि अनगायै आइएमेरिड, वार्डन, जौ लोगोसे मोनसेबाव सावथुन दं, जाय नमिनेशनआव दंफायो। बे सावथुनखौ भारत हादतनि आमेरिका सावथुन दिहुनगिरि स्मृति मुन्नाआ डाइरेक्सन होदो। भारतआव क्रिटिक्सनि गेजेरजो समायहोनाय पायल कपाडियानि सावथुन 'अल उइ इमेजिन एज लाइट' खौ अस्काराव नमिनेशन मोनगोन होन्ना माखासे सुबुंफोरा आसा खालामबाय थादोमोन, नाथाय बिबि जायाखै। बे नमिनेशनखौ लानानै प्रियंका चप्राआ जोबोद खुसि। फावखुंगुरिया शशेल मिडियाआव बे सावथुननि अस्करनि बादायलायनायाव बाहागो लानो मोन्याय खुसिखौ फोरमायदो। बेजो लोगोसेनो सावथुननि ससे भिडिअखौबो शेयार खालामदो। अस्कार बान्थाखौ 2 मार्च खालि लस एन्जिल्सनि डाल्वि थियेटरआव खुंफुनाय जागोन। जर'खा बाथ्राया बेनोदि, 2025 नि अस्क नमिनेशन अक्टखौ खनै फासय होनाय जादो। बेनि गाहाइ जाहोनानो जादो लस एन्जिल्सनि हाग्राआव अर खामनाय।

आसामनि देंखोगिरि बिदिशा हातिमुरियाआ सा-रे-गा-मा-पा 2024 आव देरहासार जानो हाबाय

असमिया देंखोगिरि बिदिशा हातिमुरियाआ जि टिभिआव मुंदांखा मिउजिक रिप्लिटि स्व' सा रे गा मा पा 2024 आव मख'जाथाव जाफुंसार जानो हादो, अदेबानि बिथांआ थामथि रानार-आपनि जायगा आवग्रिनो हादो। डिब्रुगड जिल्लानि सिंआव थायाय दुलियाजान सहरनि थागिबि बिदिशाआ स्व'आव जोबजासिम मोजाडै दिन्थिफुदो। गावनि रंग'थिजो मिलोदो रोजाबनायनि जाहोनाव थामथि रानार-आप जानो हादो। बबेखानि लाइमोन देंखोगिरिया टूफिखौ देरहानो हायासै, अब्लाबो बिदिशाआ मिउजिकनि फारसे गावनि अन्याय मोजां मोन्यायखौ दिन्थिनानै, माहारियारि स्टेजआव गावनि मुंखौ थिसनो हायो। रिप्लिटि स्व'नि ग्रेन्ड फिनालेआव मुम्बाइनि श्रद्धा मिश्र देरहागिरि जायो। फिनालेआव सा 6 फाइनालिस्टफोरनि गेजेराव गोखो बादायलायनायखौ नुनो मोनो।



जेराव श्रद्धा मिश्रा उज्जल मतिराम गजभर, सुभाश्रि देबनाथ, बिदिशा हातिमुरिया, पार्वति मिनाक्षि आरो महर्षि सनत पट्टाया दंफायोमोन। देंखोगिरिफोरखौ गुरु रंधावा, सचिन-जिगर आरो सचेत परमारनि गेजेरजो ट्रेन्ड खालामनाय जादोमोन।



जेराव श्रद्धा मिश्रा उज्जल मतिराम गजभर, सुभाश्रि देबनाथ, बिदिशा हातिमुरिया, पार्वति मिनाक्षि आरो महर्षि सनत पट्टाया दंफायोमोन। देंखोगिरिफोरखौ गुरु रंधावा, सचिन-जिगर आरो सचेत परमारनि गेजेरजो ट्रेन्ड खालामनाय जादोमोन।

सिटि क्रिकेट क्लबआ आसाम प्रिमियर क्लब सेम्पियनसिपखौ देरहादों

गुवाहाटी, 24 जानुवारि: गुवाहाटी नोगोरमनि जागिरडआव खुंजानाय आसाम प्रिमियर क्लब क्रिकेट सेम्पियनसिपआव सिटि क्रिकेट क्लबआ रिभार रइन क्लबखौ 84 रनजों फेजेन्दों। बे समाव धाम्बर अधिकारिनि अलराउन्ड दिन्धिफुनाया हान्जानि थाखाय मुलाम्फा जायाखै। मानोना बिथाड रिभार रइन हान्जानिफ्राय रावबो गेले गिरिनिफ्राय मिर्जिथिबादि मदद मोनाखै। बे मेचखौ गात्रि बोथोरनि थाखाय 25 अभासिम बाडाइ खालामनाय जादों। जेराव सिटि क्रिकेट क्लबआ बेटि आरो बलिं मोननै आवबो गोख्रोडै दिन्धिफुदों। धाम्बरआ बे समाव 5 उडकेट लादों आरो हान्जानि जानानै 24 रान बिहोमा



होदोंब्लाबो गुबुन गेलेगिरिनि मदद मोनाखै। बे साननि गुबुन मोनसे मेचखौ बोथोर गात्रिनि थाखाय बन्द खालामनाय जादों। जेराव अकुरन्धति क्लबआ नाभारां क्लबजों नेहरु स्टेडियमआव बादायनो गोनांमोन। सिटि क्रिकेट क्लबआ आवुं 25 अभासिम 167 रान लानायनि फारिआव हियान काश्यपआ 44 बलआव

53 रान लादों। जायनि फारिआव बिथाड खेबबै 6 रान लादों। बिथांजों लोगोसे तजिन्दर सिंहआ 31 राननि बिहोमा होदों। गुबुन फारि रिभारनि जानानै धाम्बरनि 24 रान बिहोमनि अनगायैबो गनेश बास्परआ 12 रान लादोंब्लाबो हान्जखौ देरहानाय थाखोसिम लांनयाव फेलें जाहैदों।

हार्दिक पन्डियाआ जारिमिन थिसन्नायनि लामायाव



गोदान दिल्ली, 24 जानुवारि: भारतीय क्रिकेट हान्जानि स्टा र गेलेगिरि हार्दिक पन्डियाआ मुलुगनि मुंदंखा अलराउन्डफोरनि गेजेराव जायगा मोनो। बिथाड बलिंनि अनगायैबो गोनांथिनि समाव टप 6 आव गोख्रोडै बेटि खालामो। भारत आरो इलेन्डनि गेजेराव बादायनाय टी-20 मेचनि सिरिजआव हार्दिकआ मोनसे जारिमिन थिसन्नायनि खाबु

मोनगोन। जायखौ भारतनिफ्राय रावबो गेलेगिरिआनो खालामनो हापेनाखै। हार्दिकआ दासिमाव टी-20 हारिमायारि मेचआव 91 उडकेट लाबाय आरो भारतनिफ्राय बे फर्मेटआव बयनिखुइ बांसिन उडकेटलानाय थामथि बलार जानानै दड। बे फारिआव हार्दिकनि सिगां अर्शदिप सिंह आरो युजबेन्द्र सहलआ सिगाडव दड। नाथाय इलेन्डनि हेंथायै बे सिरिजआव

बिथाड लान्थियै उडकेट लायोब्लानो बिसोर सानैखौ उनाव लाखिनो खाबु मोनगोन। थामहिनबा बिथाड टी-20 हारिमायारि मेचआव 100 उडकेट आवुं खालामनो थाखाय 9 उडकेटनिल' गोनांथि दसै। जेराव बेबादि उडकेटखौ भारतनिफ्राय दासिमाव रावबो गेलेगिरिआनो लानो हायाखै। नाथाय अर्शदिपआ 97 उडकेटजों बे फारिआव बयनिबो सिगाडव जायगा मोनानै दड। मख 'नाय जायोदि, हार्दिकआ 9 उडकेट लाबावोब्लानो टी-20 हारिमायारि मेचआव 100 उडकेटजों लोगोसे 1000 निखुइ बांसिन रान लानाय गिबि भारतीय आरो मुलुगनि नैथि गेलेगिरिबो जागोन।

आसाम अलिम्पिक एस'सिएसनआ बिसिसिआइनि गोदान नेहाथारि देबजित शइकियाखौ बरायदों

गुवाहाटी, 24 जानुवारि: आसाम अलिम्पिक एस'सिएसनआ देबजित शइकियाखौ बिसिसिआइनि गोदान नेहाथारि सायख 'जानायनि थाखाय मानजों बरायदों। बिथाड बावैसो सान सिगां भारतयारि क्रिकेट कन्ट्रलनि बराद अफ कन्ट्रलनि नेहाथारि महरै सायख 'जादों। गुवाहाटीनि आरजि बरुवा स्पर्ट्स क मप्लेक्सआव खुंजानाय बरायनाय हाबाफारिआव एअएनि नेहाथारि लक्ष्य कनवार, रंथुमगिरि अशक भराली आरो गुवाहाटी स्पर्ट्स एस'सिएसननि आफादगिरि परेश चन्द्र दासआबो बाहागो लादों। बे हाबाफारिनि समाव आसाम अलिम्पिक गौधुमनि लक्ष्य कनवारआ शइकियानि जाफुंसारनायाव गोग्गानाय



फोरमायदों। लोगोसे बिथांनि बेबादि मान थाखोसिम सौहैनायखौ रइज्योनि थाखाय गोग्गाथाव फोरमायनानै बे जाफुंनायखौ जुथायै फालिनां गौनि गोनांथि फोरमायदों। लोगोसे बिथांनि देदेनायाव भारतयारि क्रिकेटआव आरोबाव जौगानाय फैगोनखौ

मिर्जिथि लादों। बे हाबाफारिनि बाहागो महरै शइकियाखौ दोरोडारि असमीया हारिमुनि बेसादफोरजों मान होनाय जादों। गोबां गुबुन गुबुन गेलेमुजों सोमोन्दो थानाय गौधुमफोरबो हाबाफारिआव शइकियाखौ बरायनाय आरो मान बाउनायाव नुजाथिफै दों। बे समाव

हाबाफारिआव नुजाफैनाय सुबुंफोरनिसिम साबायख 'र होनानै शइकियाआ एअए आरो

गुबुन गुबुन गेलेमु आफादफोरनिसिम मददनि थाखाय साबायख 'र बाउयो। लोगोसे गावनि गेलेमुनि फोथारआव दावगायानायाव बैफोर गासै आफादफोरनि बिहोमाखौ बाखायदों। बे समाव बिथाड आसामनि थाखाय गेलेमुनि फोथारआव गावनि माखासे नोजोर होनायखौ फोरमायो। लोगोसे आसामखौ भारतनि गेलेमु राजथावनि महरै गायसन्तो थाखाय गावसोरनि हाबा मावनायखौ उदाडै फोरमायो।

आसामनि हौवा टेबल टेनिस हान्जया जारिमिन सोरजिदों



गुवाहाटी, 24 जानुवारि: आसामनि हौवाफोरनि टेबल टेनिस हान्जया सुरतआव खुंजानाय इउटिटि 86 थि सिनिर नेसनेल सेम्पियनसिपआव बादायनाय टीम सेम्पियनसिपनि इभेन्टआव ब्रन्ज मेडेल देरहानायजों जारिमिन सोरजिदों। मानोना बेयो हौवाफोरनि सिनियर नेसनेल टीम सेम्पियनसिपआव आसामनि गिबिसिन बान्था देरहानायमोन। प्रियानुज भत्ताचार्य, अनल काश्यप, शंकब बरुवा, अग्निभ भास्कर गहाइ आरो सैदुल आलम आहमेदजों लोगोसे आसामनि हान्जया सेमिफाइनलनि बादायनायाव 1-3 स्करलाइनजों गोख्रों बादायारि रेलवे स्पर्ट्स प्रमसन बर्डजों मोजाडै दिन्धिफुदोंब्लाबो जोबनायाव जेन्नायजों ब्रन्ज मेडेलजोंनो गोजोननादों। पेट्रिलियाम स्पर्ट्स प्रमसन बर्ड (पिएसपिबि) नि हान्जया बे समाव सनानि मेडेल देरहादों। गुबुन फारि रेलवे स्पर्ट्स प्रमसन बर्डआ रुफानि मेडेल देरहानो हादों। आसामनि गिबियै बे सेम्पियनसिपआव मेडेल देरहानाया इयुननि समाव आरोबाव साबसिनै दिन्धिफुगोननि मिर्जिथि लाबोदों।

टाटा स्टील चैस टुर्नामेन्टआव गुकेशआ आब्दुसतारभजों बादायनो थियारि



गोदान दिल्ली, 24 जानुवारि: वर्ल्ड सेम्पियन डि गुकेशआ टाटा स्टील चैस टुर्नामेन्टआव 6 थि राउन्डआव उन्बेकिस्ताननि नदिरखेक आब्दुसतारभजों बादायगोन। गुबुन फारि आर प्रज्ञानन्दआ चीननि बारा' सेम्पियन भेइ यीजों सेलेन्जआव ऑखारगोन। प्रज्ञानन्द आरो आब्दुसतारभजा बे टुर्नामेन्टआव खेब 5 राउन्डनि उनाव 4-4 पइन्टजों जुथायै जौसिन मासिआव जिरायना दड। जेराव गुकेशआ 3-5 पइन्टजों स्लभानियानि ब्लादिमीर पेडसिभजों थामथि मासिआव जुथायै दड। भारतनि गुबुन सासे गेलेगिरि पि हरिकृष्णआ बाथि मासिआव जायगा

लानानै दड। बे टुर्नामेन्टआव दासिमआवबो खेब 8 राउन्ड बादायनांगौ दंबावो। बेबादि थासाारिआव गेलेगिरिनि गेजेराव उन सिगां जानायखौ नुनो मोनबावगोन। प्रज्ञानन्दआ दासिमआव खेबथाम देरहाबाय आरो खेबनैआव डू' गेलेबाय। जेराव बिथाड गावनि खेबथामबो बादायनायाव भारतीय गेलेगिरिफोर अर्जुन एरिगेसि, पि हरिकृष्ण आरो लियन ल्युकनि हेंथायै देरहादों। जायनि मददजोंनो बिथाड मुलुगानां रेंकिआव टप 10 आव सौहैदों। वर्ल्ड सेम्पियन जानायनि उनाव गावनि गिबि टुर्नामेन्ट गेलेनाय गुकेशआ मुलुगानां रेंकिआव ब्रैथि आरो भारतीय गेलेगिरिफोरनि गेजेराव गिबिसिन थावनिआव जायगा मोनो। बिथाड थानाय राउन्डआव जार्माननि भिनसेन्ट किमरखौ फेजेन्दों आरो बेनि उननि राउन्डआवबो देरहानाय अभियानखौ लाखिदों।



SWEEP

15थि हादोरारि भटार सान

— 25 जानुवारि, 2025 —

भट होनाय बायदि जेबो नडा, आं रोखायै भट होयो

बे हादोरारि भटार सानाव, गाहाय बिसायख'थि मावख'गिरि, आसामा नोंथांनो हादोरारि भटार साननि गाहाम हामब्लायथि बावहरो, बेयो गोग्गानाय आरो रादाय होनायनि सान।

फै जों भटारफोरनि समायखिरा लानि आरो जोंनि सुबुंखान्थिखौ गोख्रों खालामनायाव बाहागो लानि।

जों, भारतनि नोगोरारिफोरा, सुबुंखान्थियाव अरायथायै फोथायनायजों, बेनि गेजेरजों जोंनि हादोरनि सुबुंखान्थियारि दोरोफोर आरो उदां, मोजां आरो गोजोन बिसायख'थिनि मानखौ लाखिनो समायखिरा लायो, आरो मोनफ्रोमवो बिसायख'थियाव गिनाय गैयाजासे आरो धोरोम, हारि, राव एवा जायखियाया लुबैनायजों गोहोम खोख्खैजायाजासे भट होनो समायखिरा लायो।



Janasanyog /DF/1826/24/25-Jan-25

गाहाय बिसायख'थि मावख'गिरि, आसामजों फोसावजानाय

@ceoassam @ceoassam @ceo_assam 1950